

SOMNIA QUINQUAGINTA

FR. MACEDO

IN ITINERARIO 34-6-C-12


S. AVGVSTINI POST BAPTISMVM
Mediolano Romam,

EXCUTIEBAT LEVI BRACHIO

P. FULGENTIUS FOSSEUS

Augustinianus Sac. Theol.

Professor.



Ad Reverendissimum ac Sapientissimum Patrem

D. JOHANNEM MABILLON

CONGREG. S. MAURI ORD. S. BENEDICTI.

Somnia extollunt imprudentes, Eccles. 34. 1.



LUGDUNI BATAVORVM,

FR. MACELO

1810

1810

1810

1810

1810

1810

1810

1810

1810

1810

1810

1810

1810

1810

1810



AD ERUDITISSIMUM AC SAPIENTISS. VIRUM
P. D. JOHANNEM MABILLON
MONACHUM BENEDICTINUM.

P R Æ F A T I O.

VEREOR ne in publica commoda peccare velle videar, cum te, V. C. gravioribus studiis occupatum ad ludicrum quoddam cum larvis certamen spectandum invitem; imò in eodem etiam temet judicem postulem. Ingens tuorum sodalium, quos inter princeps habetis, erga S. Augustinum cultus, atque in ejusdem Patris voluminibus emendatissimis typis recudendis labor ac diligentia jure suo polcunt, ut recens editi *Hodæporicon* Augustiniani fabulam tibi exponam. Franciscus Macedo secundissimus librorum Auctor, de mysterio Incarnationis TOMUM SINGULAREM (non ob doctrinam prorsus vulgarem, sed quòd unicuique eo de argumento est) in lucem nuper emisit; adjectâ ad calcem prolixiori disputatione contra monachatum S. Augustini, cum appendice nescio cujus somniati Itinerarii Augustiniani. Potrò oppidò factum est, ut unâ simul *Hodæporicon* Ambrosii Camaldulensis ab eruditissimo tuoque nominis studiosissimo Antonio Magliabeco ad amicum in Galliam transmissum, ac *Hodæporicon* Augustinianum à Macedo descriptum apud Lugdunensem Bibliopolam repererim. Illud autem ab eodem doctissimi Magliabeci amico, mutuo acceptum, hoc verò alterum parvi emptum sedulò evolvi. Equidem in Itinerarij Ambrosii tantus ubique verborum nitor, tam exacta locorum descriptio, tantus sententiarum splendor elucet, ut Auctoris sui nomen ac famam impleat, & augeat. At in Itinerario à Macedo concinnato passim & ubique fictas fabulas,

splendida mendacia, ac penè immensam somniorum secum iuicem concurfantium catervam offendi, ita ut in eo monstroso Itinerario describendo non modò extra orbitas vagetur, verùm etiam totà planè vià præceps aberret. Hic homo, quo neminem gloriosiorē videas, in postremis ejus voluminis versibus ait: *Quòd autem de Augustino tam subtiliter & accuratè tractaverim, is meus mos est & vetus & sanctus, quem delectat de Augustino & meminisse, & loqui, imò & pro consuetudine somniare, qua mea summa & singularis voluptas est, nec me pudet fateri.* Itaque quo eidem somniatam de Augustino voluptatē etiam atque etiam intendam, ejusdem Itinerarii vestigia relegens, singula in eodem de Augustino somnia somniata recitabo, ac novum faciam, ut in veteri comœdia est, homini volup. Tantus est meus erga Augustinum amor, ut ægrè feram quidpiam, quod Augustinum attinet, vel minima etiam somniorum labe obscurari. Interim, Vir doctissime, oculos manūque à magnis Annalibus, quibus præclara tuæ gentis facinora ad seros posteros immortalibus scriptis transmittis, parumper abtineas precor, nec mihi illa Marcialis carmina reponas:

Lib. 9. xii.

*Nobis non licet esse tam curiosos,
Qui Musas colimus severiores.*

Fateor me audaciæ ac temeritati proximum fieri, qui scriptori vigilantissimo somniorum examen imponam. At scito me in hac somniorum confutatione pro Augustiniana historia vigilasse, ut annum præsertim baptismi S. Augustini clavo trabali figerem, quem nemo possit refigere. Papæ, inquis, quàm grandia ac cothurnata verba loqueris! Ut aliquam tibi legendi curiositatem injiciam, ampullor. Augustiniani ad te commendandum, inter se, ut Terentii verbis utar in Phormione, omnes congruunt. *Vnum cognoris, omnes noris.*

FRANCISCUS MACEDO.

In Collatione IX. de Incarnatione, differentia I l. in fine cap. VII. pag. 724. col. 2. huncce titulum ponit.

ITINERARIUM

Augustini post Baptismum Mediolano Romam.

Quanti, inquit, sis hoc momenti ad institutum nostrum confirmandum, facile quivis diligens Lector agnoveris. Nam si Augustinus statim post baptismum profectus est Mediolano Romam, & rectè eo, ac eodem anno, imò & mense quàm discessit, pervenit: ruent omnes illa enachi

machina Pisanarum digressionum; & Centumcellis commorationum, &c. Itaque danda est opera & quidem magna, ut confices quamam ratione illud iter susceperis, inieris, confeceris.

S O M N I U M I.

I Nitio quidem arbitrabar *opera & quidem magna* abs te Augustini iter describi, ut Antonini, & Rutilii Numatiani Itinerariis non parva fieri posset accessio. Cùm Cicero legatus ad Antonium Mutinam obsidentem à Senatu destinatus fuisset, nullas sibi eò vias tutas testabatur: *Tres*, inquit, *ut dixi: à supremo mari Flaminia; ab infero Aurelia; media Cassia.* Agedum tam *magna opera* indicabis, quã viã Augustinus Romam redierit. Num Aureliã, vel potiùs Flaminia iter illud habuerit. An quodd illi ac socii Afri erant, formidata olim Italiã Annibalis vestigia secuti, Apennini juga secantes, in Etruriam descenderunt, ut inde via Cassia Romam, aut ad Ostia Tiberina contenderent? Numerabis socios itineris Monicam matrem cum puero Adeodaro, Alipio & Evodio, quibus fortassis etiam addes Licentium, Trigerium, Lastidianum, ac Rusticum, quos conterraneos contubernales tum Mediolani, tum in secessu Cassiciaco Augustinus nuper habuerat. Narrabis num rhedã, vel equo, iter confecerint; ad quas mansiones diverterint; apud quos hospitati fuerint, ac cetera denique exequeris, quã *operam & quidem magnam* deceant. Nihil tamen horum recitas; sed ais Augustinum die octava Aprilis anno 388. Mediolani baptizatum, ac statim inde profectum ad Ostia Tiberina pervenisse *die vigesima Aprilis consumptis in itinere diebus duodecim omnino necessariis ad illud iter prolixum conficiendum.* Hoc Hodœporicon Augustini est *opera & quidem magna* tibi descriptum; cùm ramen non iter, quod magno hiatu promiseras, sed itineris tempus narraveris. Sed qualemlibet titulum inscripseris, quid in Itinerario elucubrando magnam operam jactas, qui ex Gabriellis Pennoti historia Tripartita totum illud iter exscripseris? Is enim cum lib.1. cap.4. num.6. dixisset Augustinum anno 388. die octava Aprilis Mediolani baptizatum, quã Echo fideli pariter recantasti, ait: *Obitum B. Monica in quartum diem mensis Maii rejiciunt, ex quibus si dies tredecim detrahas, quibus illa ante obitum suum ad Ostia Tiberina venit, oportebit illam saltem die 20. Aprilis in Ostiis Tiberinis fuisse.* Hęc ille ante sex & quinquaginta annos scribebat, ut *Pisanas digressiones, ac Centumcellis commorationes* rejiceret. Itane *operam & quidem magnam* tuo illi Itinerario concinnando abs te positam jactas, qui torius itineris rationem ex Pennoti volumine in tuum transtulisti, nisi tibi qui in hujusce tomi frontispicio **XXXXX LIBRORUM AUTHOR** inscriberis, *magna opera* videatur, paucos è Pennoti historia versus exscribere. Hęc *magna opera*, quã sanè nulla est, primum tuum

somnium sit. At scitè Cicero lib. 2. de divinat. ait : *Nihil est magnum somnianti.* Hanc tamen tuam *magnam operam* somniato.

Pag. 725.
col. 1.

M A C E D O.

Primùm statuendus est annus ætatis, quo fuit baptizatus Augustinus. Is planè est indubitatus, scilicet annus trigessimus tertius inchoatus ipse Idibus Novembris, idest die 13. ejus mensis, qui dies ejus Natalis anniversarius erat, quemadmodum ipse scribit libro de beata vita dispns. prima diei : Idibus, inquit, Novembris mihi Natalis dies erat. Quod autem ille annus esset 33. Augustini, testatur ipsemet lib. 3. contra Academicos, quos eo tempore distabat rure Cassiciaco : sed cùm trigèsimum & tertium ætatis annum agam ; iisdem nempe Idibus, idest 13. Novembris.

S O M N I U M II.

IN ipso Itinerarii limine offendisti. Malum omen. Annus trigessimus tertius ætatis Augustini, cùm Baptismum suscepit, est indubitatus. At dubium est, num idem annus fuerit completus, vel tantum inchoatus. Baronius ad Ann. 388. & Rivius lib. 1. de vita Augustini cap. 1. §. 26. 27. & 29. aliique contendunt S. Doctorem aquis salutaribus ablutum anno ætatis trigésimo tertio completo. Tu verò somnias esse indubitatum, quod apud insignes scriptores falsum est, apud alios adhuc sub lite. Hinc ad gravissimam controversiam tollendam, nec grà, nec gry reponis ; cùm tamen in hac una totius difficultatis cardo versetur. Nec satis est quòd tu quinquaginta tomorum Auctor secus opineris, *opinio enim fallax est insomnium*, inquit vetus Scholiastes Niceta ad orat. 43. Nazianzeni. Quid autem hac de re sentiendum videatur, ad somnium proximum exponam.

Ibidem.

M A C E D O.

Nam omnes eos libros contra Academicos tres, de Ordine duos, unum de Vita beata, Soliloquiorum duos, eodem loco continenter, imò & simul intervallis disparibus composuisti, quemadmodum narrat lib. 1. Retract. cap. 2. ubi rursus affirmas diem 13. Novembris suum esse Natalem. Hunc autem baptismi in suum annum 33. incidisse, quem inchoavis, iterum scribit lib. 1. Soliloquiorum cap. 19. (repone 10.) Nam cùm, inquit, triginta tres annos agam. Quod opus simul cum aliis, & inter alia quinque proximè numerata, in eodem agro composuisse dicis lib. 1. Retract. cap. 4.

SOM

S O M N I U M III.

Quid hic somnia præter opus Soliloquiorum, *alia quinque proximè numerata* Augustino ture Cassiciaco elucubrata? Laudasti præter Soliloquia, opus contra Academicos, opus de Ordine, opus denique de vita beata. Hæc S. Doctoris opera cùm rectè tria in digitis numeraveris, cur in iisdem versibus in quinque multiplicantur? Reponas ergo: *inter alia, tria, proximè numerata, &c.* At rursus repetis annum 33. inchoatum, nec rem dubiam probas, qui passim *invicta & irrefragabilia argumenta* jactare soles. Iple tamen tuas partes implebo. Augustinus in proœmio de vita beata ait: *Ego ab usque undevicesimo anno ætatis meæ, postquàm in scholas Rethorum librum illum Ciceronis, qui Hortensius vocatur accepi, tanto amore philosophia succensus sum, ut statim ad eam me transferre meditarer.* Hæc ille scribebat Idibus Novembris die suo Natali. Idem postea scripsit libros duos de Ordine, in quorum altero cap. 1. ait: *Interpositis deinde pauculis diebus; venit Alypius, & exorto sole clarissimo, invitavit cæli nitor, & quantum in illis locis hyeme poterat, blanda temperies in pratum descendere.* Itaque ille liber scriptus fuit jam incumbente hyeme. Postremum opus Soliloquiorum ibidem composuit, ac in duo volumina distinxit, in quorum primo cap. 10, ait: *Nam cùm triginta tres annos agam, quatuordecim ferè anni sunt, ex quo ista cupere destiti, nec aliud quicquam in his, si quo casu offerrentur præter necessarium victum, liberalemque usum cogitavi.* Prorsus mihi unus Ciceronis liber facillimè persuasit, nullo modo appetendas esse divitias, &c. Ex utriusque testimonii collatione non obscurè colligitur Augustinum Idibus Novembris anni proximè elapsi, inchoasse annum tertium supra tricesimum. Nam ab anno undevicesimo, quo primùm Ciceronis Hortensium legit, ad annum 34. labentem, intersunt anni integri ac completi quatuordecim. Cùm verò S. Doctor annos numeret *quatuordecim ferè*, quidpiam sanè temporis ad annos xiv. complendos defuisse significat. Augustino exeunte Februario, de agro Mediolanensi reverso in urbem, Soliloquia imperfecta remanserant. Lib. 1. Retract. cap. 5. Qui tempus designans lib. 9. Confess. cap. 6. ait: *Inde, ubi tempus advenit, quo me nomen dare oporteres, relicto rure, Mediolanum remeavimus.* Catechumeni baptismum proximè suscepturi, nomen Episcopo, coram populo, in foribus Ecclesiæ dabant die quadragesimo antequam baptizarentur, ex epistola Siricii ad Himerium Tarracensem cap. 2. quæ epistola data est Ann. 385. Bautone consule, cui Augustinus Mediolani Kal. Januariis, quibus Consul processit, panegyrium recitavit.

M A C E D O.

Supereſt nunc oſtendere eodemmet anno 33. fuiſſe Roma ad Oſtia Tiberina. Primò ponit lib. 1. Retract. cap. 6. ſe cum jam eſſet baptizatus Roma unum ſcripſiſſe librum de moribus Eccleſia, & alterum de moribus Manichæorum, & lib. 8. Confess. (reponet lib. 9.) cap. 8. narras ſe cum ſociis pariter Româ in Africam remeare. Eundem annum illum eſſe 33. ſua ætatis tradit lib. 9. Confess. cap. 11. commemorans de morte Monica matris: Ergo die nono ægritudinis ſuæ, quinquageſimo & ſexto ætatis ſuæ, trigefimo & tertio ætatis meæ, anima illa religioſa & pia corpore ſoluta eſt. Quarto Maii decurrentis anni 33. ſemaſtri nondum completo, erat Oſtia, & juſta ſolvit Matri. Quid evidentiſus?

S O M N I U M I V.

DUm dicis Auguſtinum eodemmet anno 33. fuiſſe *Roma ad Oſtia Tiberina*, videris ſomniare Oſtia Tiberina fuiſſe publicam aliquam ædem, vel forum in urbe. Nam paſſim legimus: *Roma ad Verſum pileatum: Roma ad forum Trajani, &c.* Ac Oſtia Tiberina ex Antonini Itinerario diſtabant Roma M. P. XVI. Potes *vetus & ſeverus Poëta*, uti remet venditas pag. 718. col. 1. cum Satyrico in bicipiti ſomniſſe *Parnaſſo*; at monſtroſè ſomnias Oſtia Tiberina intra urbem locando. Duabus literulis, e, ac t, iſertis, ubi primùm vigilaveris, periodum reſtitue: *Roma & ad Oſtia Tiberina*. Eritne hæc correctio *opera & quidem magna*?

S O M N I U M V.

Praterea ſcribis Auguſtinum jam baptizatum: *Roma unum ſcripſiſſe librum de moribus Eccleſia, & alterum de moribus Manichæorum*, & eundem narrare: *Se cum ſociis pariter Româ in Africam remeare*; ac cum Oſtiam veniſſet, matrem Monicam extinctam, quarto Maii. Hic tuum Itinerarium appello, in quo ſcribis Auguſtinum cum matre Mediolano die 9. Aprilis Ann. 388. proſectum, ad Oſtia Tiberina perveniſſe die 20. Aprilis conſumptis in itinere diebus duodecim omnino neceſſariis ad illud iter prolixum conſiciendum. Pag. 726. col. 1. Quæſo te, num putes neceſſarios etiam aliquos dies ad duos illos libros componendos, quos narras Romæ ab Auguſtino ſcriptos priuſquam *Roma in Africam remearet*? Uterque liber in editione Lugdunenſi Ann. 1586. conſtat ex paginis fermè tredecim, in quarum ſingulis leguntur verſus 284. Demus & ipſum Auguſtinum *operam & quidem magnam* utriuſque libri ſcriptioni impendiſſe, ita ut quotidie currenti

currenti calamo, versus octingentos ac quinquaginta duos exaraverit, vix intra quattriduum duodecim paginas scripisset. Rursus altera insuper dies impensa est itineri Roma ad Ostia Tiberina, quod cum 20. Aprilis, te deductore, pervenerit, Romam ingressus fuerat die xv. Aprilis, postquam die 9. ejusdem mensis Mediolano discessit. Cum verò iter Mediolano Romam via Aurelia, quæ ea ætate cæterarum erat brevissima, fuerit M. P. 454. Augustinus intra septem dies illud iter emensus, supra sexaginta quinque milliaria, (iter primæ diei M. P. 64. fecisset) singulis diebus confecisset. Tabellarii qui mutatis subinde equis, literas Mediolano Romam, diu nocturne cursitantes, sexto die iter conficiunt.

S O M N I U M VI.

DEnique in paucissimis illis versibus, tertium tibi somnus obrepit, dum ais Augustinum narrare se cum sociis pariter Romam in Africam remeare. Hæc ille, cum narrasset se Mediolani baptizatum fuisse, ac Evodium in suum contubernium venisse scribit: *Querebamus quoniam locus nos haberet utilius, servientes tibi, pariter remeabamus in Africam. Et cum apud Ostia Tiberina essemus, mater defuncta est.* Nulla hic, quam somnias, Roma nominatur. Et sanè si Mediolano rectè Romam venerunt, duodecim tantum dies itineri conficiendo neutriquam sufficiebant, ut ad Ostia etiam Tiberina pervenirent. Consule Itinerarium Antonini, & intelliges Roma Derthonam usque viâ Aureliâ iter fuisse M. P. 408. Derthonâ Mediolanum numerantur M. P. 46. Ita Româ Mediolanum M. P. 454. Hæc milliaria divide per 12. habebis singulis diebus M. P. 38. minùs duobus una die. Ita Augustinus, & quod te decet considerare, Monica mater propior sexagenariæ, tam magnis itineribus Mediolano profecti, die duodecima Romam pervenissent. At remanet aliud iter Româ Ostiam, cui si diem decimum tertium assignas, tota Itinerarii tui machina *opera & quidem magna* constructa, labascit ac corruit; nisi enim die 20. Aprilis Ostiam pervenerint, Itinerarii ab Augustino descripti, ratio, ut putas, non constat. Itaque Augustinus Mediolano discedens recto itinere Ostiam via Aurelia pervenit, in Africam transmissurus. Scribit lib. 9. Confess. cap. 10. se unâ cum matre in ecclasiâ raptum, *illic apud Ostia Tiberina, ubi remoti à turbis, post longi itineris laborem, instaurabamus nos navigationi.* At si antea Romæ commoratus, iter postea Ostiam M. P. xvi. fecisset, minùs rectè, immodò falsò *longi itineris laborem* dixisset. Illum verò Romæ, antequam in Africam transmitteret, commoratum, patet ex lib. i. Retract. cap. 7. ubi ait: *Im baptizatus autem cum Roma essem, nec ferre tacitus possem Manichæorum jactantiam, &c. scripsi duos libros, unum de Moribus Ecclesiæ Catholice: alterum de Moribus Manichæorum, Et cap. 9. Cum adhuc, inquit,*

Roma demoraremur, narrans se in urbe scripsisse librum primum de libero arbitrio. Ex his colligo Augustinum cum Monica matre, ac sociis Mediolano rectà ad Ostia Tiberina profectum; ubi matre defuncta, mutato navigandi in Africam consilio, Romam se contulit, ac ibidem aliquot menses moratus, plures libros elucubraviti.

Pag. 715.
Col. 2.

M A C E D O.

Non modò uno & eodem anno, sed uno ac eodem mense confecit iter, idest Aprilis. Rem ad calculos exiliter revocemus. Gratum hoc erit Lectori. Omnia sunt apud Augustinum, ipse Itinerarium exhibebit. Relegamus vestigia.

S O M N I U M. VII.

Somnias, cum dicis, omnia esse apud Augustinum, cum verè pronuntiales: *Omnia sunt apud Pennotum, ipse Itinerarium exhibebit.* Unius Pennoti vestigia reiegesti, qui olim hocce Itinerarium tibi præformaverat. Hæc ille scribit lib. 1. Hist. Tripart. cap. 5. num. 2. *Rursus sequitur quod eodem mense Aprilis, in quo fuit baptizatus, fuit etiam apud Ostia Tiberina in Africam rediturus, quia B. Monica obiit die 4. Maii, sed illa fuit in Ostiis Tiberinis saltem diebus tredecim priusquam ex hac vita migraret, ergo circa diem 21. Aprilis ejusdem scilicet mensis, in quo B. Augustinus fuerat baptizatus, in Ostiis Tiberinis constiterant.* Cur ergo hujusce Itinerarii auctorem Augustinum producis, cum unius Pennoti manu descriptum fuerit, ac à Petro Campensi, Thoma Herrera, & Aloysio Torello solidissimè refutatum, ita ut vix quicquam recens excogitari possit, quod à viris doctissimis præoccupatum non fuerit. Hæc tibi ex veteri Poëta reponantur:

*Alicna quisquis recitat, & petit famam;
Non emere librum, sed silentium debet.*

Scribis: *Rem ad calculos exiliter revocemus.* At ex tuis calculis Augustinus ac Monica duodecim dierum spatio, nusquam interrupto itinere, medià saltem die alicubi spiritum ac vires colligendo, nimium te deductore delassantur; siquidem reapse illam peregrinantium turmam, suis etiam sarcinis gravatam, magnis itineribus Mediolano Romam usque, immò per Romam ad Ostia statim Tiberina traxisti, ita ut octo diebus M. P. 40. reliquis quatuor M. P. 38. confecerint. Profectò si ad calculos, quos in digitis tam facile numerasti, pedibus, immò etiam equo illud iter tibi habendum esset, nescio an exiliter laborares.

M A C E D O.

Pag 725.
col.2.

Quarto Maii mortua mater, die suæ ægritudinis nono: Sume hos novem dies, invenies eam jam 26. Aprilis Ostia esse; nam quinque dies Aprilis necessarij sunt ad complendam summam novem dierum ægritationis: Nono die, quem numerum conficiunt quinque Aprilis, & quatuor Maii: in his quinque includitur dies 26. Aprilis, quo die jam decubuerat Monica. Redi nunc ad Augustinum. Puta rationes; ait eodem cap. 11. lib. 9. Confess. quinque dies incolumem fuisse Matrem postquam perventum est ad Ostia Tiberina: Tunc interea vix intra quinque dies, aut non multò amplius, febribus decubuit: Numerum hos & conjunge cum alijs quinque ægritudinis, reddunt diem & comprehendunt diem 21. Aprilis. Jam ergò illo die ibi erat Monica cum Augustino. Pervenerant igitur die 20. Aprilis, consumptis in itinere diebus 12. omnino necessarijs ad illud iter prolixum conficiendum, &c.

S O M N I U M V I I I.

Hoc totum est Itinerarium opera & quidem magna descriptum, quod ut prolixius fieret, inaniter verbosatis; nam uno verbo poteras dicere. Quarto Maii mortua Mater die suæ ægritudinis nono; quare die 26. Aprilis febribus decubuit. At tu rem sanè difficilem creditu, probandam censuisti scribens: Invenies eam jam 26. Aprilis Ostia esse; nam quinque dies Aprilis necessarij sunt ad complendam summam novem dierum ægritationis: Nono die. Cur rem per se ipsam vel mulierculis manifestissimam, viris eruditjs tam pueriliter inculcas? Haud repetam mihi somnium videri quum ais Monicam ac ceteros socios intra duodecim dies spatium M. P. 454. immò si Ostiam, uti putas, per Romam (ita Itinerarii scriptores loquuntur) rectè perrexerit, M. P. 470. emensam fuisse. Alterum insomnium hic loqueris, scribens Monicam die 20. Aprilis ad Ostia Tiberina pervenisse, ac die postea 26. febribus decubuisse; testem citans Augustinum, qui scripserit quinque dies incolumem fuisse Matrem, postquam perventum est ad Ostia Tiberina. Somnias; nūquam hoc Augustinus adstruit. Pennotus, cujus Itinerarium tam fideliter exscribis, illa comminiscitur lib. 1. cit. cap. 4. num. 6. scribens: Cum B. Monica intra quinque dies post adventum suum ad Ostia Tiberina, febribus decubuerit. Et statim: Nam obitum B. Monica omnes in quartam diem Mensis Maii rejiciunt, ex quibus si dies tredecim detrahas, quibus illa ante obitum suum ad Ostia Tiberina venit, oportebit illam saltem die 20. Aprilis in Ostijs Tiberinis constitisse. Videtne archetypum Hodæporici, quod opera & quidem magna iterum tam bellè delineasti? Verùm audiamus Augu-

stinum, qui lib. 9. Confess. cap. 10. narrans quæ apud Ostia Tiberina sibi cum matre, priusquam postremo morbo decumberet, contigerunt, hæc Deum alloquens, scribit: *Provenerat, ut credo, procurante te occultis modis, ut ego & ipsa soli staremus, incumbentes ad quandam fenestram, unde hortus intra domum, qua nos habebat, prospectabatur, illic apud Ostia Tiberina ubi remoti à turbis, post longi itineris laborem, instrabamus nos navigationi. Colloquebamur ergo soli valde dulciter, &c.* Narrat cum de cœlesti patria loquerentur, ecclasiim passos; ac postea sibi Matrem dixisse: *Fili quantum ad me attinet, nullare jam delector in hac vita. Quid hic faciam, & cur hic sim nescio, &c.* Tum addit Augustinus: *Ad hæc quid responderim nescio. Cum interea vix intra quinque dies, aut non multo amplius decubuit febris.* Quæso te, Rev. Pater, ubinam Augustinus dicit quinque tantum dies incolumem fuisse Matrem apud Ostia Tiberina, ita ut cum illuc die 20. Aprilis pervenerit, die 26. morbo correpta, quartâ postea Maii è vita migraverit? Hoc unum S. Doctor testatur, Matrem non quinto die postquam Ostiam pervenerant, uti somnias, sed quinto die post transactum illud colloquium febris decubuisse. At dices Augustinum cum Matre die 20. Aprilis Ostiam pervenisse, ac die insequenti 21. illud colloquium secum invicem habuisse. Fateor id in tuos calculos aptè cadere, ac quadrare. Verùm hujusce tuæ imaginationi nusquam Augustinum auctorem habes. Et sanè Augustinus dum ait: *Vix intra quinque dies, aut non multo amplius decubuit febris*, dubium se esse significat, nun fuerint tantum quinque dies, aut non multo amplius, v. g. sex, ac dimidius. At tu, quasi certius illa explorata haberes, quæ Augustinus & filius & præsens, de Matre scripsit, post tredecim sæcula contendis quinque tantum dies, nec plures omnino fuisse; nam Monica die 20. Aprilis Ostiam pervenerat, 26. decubuit, ac nono ægritudinis 1. v. Non. Maii è vita discessit. Si hoc non est somniare, quid est?

M A C E D O.

UNum tamen adverso vigilantissimum Autorem Pennotum videri nescio quid minus fugisse (& correctâ mendosâ citatione libri Soliloquiorum) Eo, inquis, dico ne quis labores in inquirendo textu, quemadmodum & mihi contigit. Illud utem addidero scripsisse ex incogitantia mendum circa diem Iduum Aprilis, quem ille poni illo cap. 4. lib. 3. Num. 6. 6. Dicendum pro die octavo Aprilis: Incidit, ait, illo anno vigilia Resurrectionis quarto Idus Aprilis, idest, die octavo; cum reponendum sit die 6. Idus, non quarto. Nam quartus est dies Aprilis 30. non octavus, qui fuit vigilia Pasche, uti vult, eo anno. De re constat. Fallit computatio per Idus. Tunc octavum Aprilis, reliquæ quartum Idus, & summa constabit.

SOMNIUM IX.

Ingenuus homo es, qui tandem fateris, per quem profeceris. Hinc quodd sperabam fore ut aliquando tui Itinerarii Architectum laudares, nunquam & plagii, aut repetundarum reum incusavi; licet decantatam tibi operam & quidem magnam non potuerim non deridere, cum hocce Itinerarium nullo labore ex Pennoti libris exscripseris. Ille tamen *Auctor vigilantissimus*, cum in mentem team narrata bucusque somnia immiserit, nunc te, da veniam verbo, in *concos* & quidem altissimos trahit. Itaque scribis cum Pennoto Augustinum die octavo Aprilis, Sabbato sancto, seu in vigilia Paschæ baptizatum, die insequenti Mediolano, ubi à D. Ambrosio baptismum susceperat, ad Ostia Tiberina pervenisse die 20. Aprilis consumptis in itinere diebus duodecim omnino necessariis ad illud iter prolixum conficiendum. Dein quinque dies incolumem fuisse Matrem, postquam perventum est ad Ostia Tiberina, eandem die 26. ejusdem mensis decubuisse, quæ quarto Maii mortua est die sua agnitiois nono. Et concludis: *Tene octavum Aprilis & summa constabis.* Fateor juxta somnatos tibi calculos, summam constare: quæ tamen immane ac horrendum insomnium, quo deluderis, ostenderit. Itane tam profundo somno iudulisti, ut somniarès Augustinum, Alypium, & Augustini filium Adcoatum die octavo Aprilis, in pervigilio Paschatis baptizatos, insequenti statim die sanctissimo Paschatis, totaque solemni hebdomade iter fecisse, ut ad Ostia Tiberina pervenirent die 20. Aprilis consumptis in itinere diebus duodecim omnino necessariis ad illud iter prolixum conficiendum? Neophyti Sabbato sancto baptizati, vestibus albis inducebantur, quas octavo postea die in Ecclesia deponebant; unde *Domus in Albis* appellata est, qua die Augustinus sermonem 157. de tempore habens, *Paschalis*, inquit, *solemnitas hodierna festivitate concluditur, & ideo hodie Neophytorum habitus commutatur, ita tamen ut candor, qui de habitu deponitur, semper in corde teneatur.* Hinc eidem Augustino in epist. 119. laudantur octo dies Neophytorum, quos in proximo lib. de octo quæst. ad Dulcirium dies Sanctos appellat. Tota illa hebdomas Christianis festiva erat, uti patet ex canone Trullano 66. Synodo Matisconensi II. cap. 2. Moguntinâ sub Carolo Magno cap. 39. Meldensi can. 77. ubi legimus: *Dies quoque octo sacrosancta Paschalis festivitatibus omnibus Christianis friatos esse decernimus ab omni opere rurali, fabrilis, carpentario, &c.* nempe ut Christianis omnibus Resurrectionis laudibus, & sacrosancta prædicationi jugiter instare licent. Ita inter sermones S. Augustini à 140. ad 164. ii recitantur, quos per solemne illam hebdomadem ad populum habuit. S. Joan. Chrysostomus hom. 33. in cap. 12. Geneseos ait: *Postea illucescente Resurrectionis die; necessarium erat, ut de Resurrectione Domini charitatem vestram doceremus & sequentibus diebus propter miracula, qua tunc facta*

sunt, Resurrectionis demonstratio iterum afferenda erat. In quibus etiam in minus accepimus Apostolorum acta; inde nobis continua componentur convivia, & crebris quotidianisque admonitionibus eos, qui nuper baptismi gratiam acceperant, exhortantes. Passim apud veteres sanctos Episcopos leguntur sermones, quos per eam hebdomadem ad Neophytos habuerunt. Quo verò Christiani id temporis Ecclesiam frequentiores adirent, Valentinianus junior anno 389. illam hebdomadem inter festos dies à jure dicundo feriatos reponit: *L. 2. de feriis Cod. Theod. Sanctos quoque Pascha dies qui septeno vel precedunt numero, vel sequuntur, in eadem observatione numeramus.* Theodosius junior Ann. 425. Theatrales ac Circenses ludos inhibuit *L. 5. de spectaculis, Ibid.* *Quandiu celestis lumen lavacri imitantia novam sancti baptismatis lucem vestimenta testantur: Nempè quandiu Neophyti albatu ad Ecclesiam procedebant. Et hi quidem singulis ejus hebdomadis diebus cum cereis sacrificio solemniter in Ecclesia assistebant, conciones audiebant, ac uni Deo vacabant. Hinc Albinus Flaccus in Epist. ad Carolum Magnum ait: Tunc maximè cum alba tolluntur vestimenta à baptizatis, per manus impositionem à Pontifice accipere Spiritum sanctum conveniens est, qui in baptismo omnium receperunt remissionem peccatorum, & per septem dies in Angelico castitatis habitu, & luminibus celestis charitatis, sanctis assistere sacrificiis solent.* Itaque Neophyti per integram hebdomadem vestibis albis induti, accensos cereos manu tenentes, quotidie sacrificio intererant, ac octavo die alba indumenta deponentes, ab Episcopo per manus impositionem benedicebantur. Plura de his lege apud Josephum Vicecomitem lib. 3. de antiquis Ritibus Baptismi. At Macedo gravi somno correptus, somniat Augustinum ac socios Neophytos tota sancta hebdomade, ne quidem ipso sanctissimo die Paschatis excepto, magnis itineribus ad Tiberina Ostia properasse. Itz recentes Neophyti huic homini somniantur non albatu in Ecclesia, sed pænulati in via; non sacros cereos manu gestantes, sed eadem equorum habenas tractantes; non ad altaria accedentes, sed ad mansiones, ac meritórias tabernas in itinere divertentes; non sacros hymnos cum Sacerdotibus, ceterisque fidelibus in Ecclesia concinentes; sed cum agasionibus, rhediariis, ac mulionibus iter habentes. Nonne dicendus est XXXXX. LIBRORUM AUTHOR somniasse immania & horrenda insomnia, quorum vel ipsum etiam, ubi primùm evigilaverit, pudeat, ac quàm maximè doceat talia somnia à Perinoto vigilantissimo autore in suam ipsius mentem immilla fuisse? Hoc tamen insomnium lymphaticum ac prorsus Chimericum totius ITINERARII Augustini Adiolano Romam unica basis est & fundamentum. Nam nisi Augustinus cum sociis Neophytis hesternæ die baptizati, ipso solemniter die Paschatis iter susceperint, id est, die nona Aprilis, nec 20. ejusdem mensis ad Ostia Tiberina pervenerint, Monica quinque dies incolumis non

non fuit apud Ostiam, nec quarta die Maii, nona ægritudinis die defuncta: quæ postrema de Matre discretè Augustinus testatur, & in Itinerarium debent necessario quadrare.

M A C E D O.

Ibidem.

Idem mensis jam bonâ parte decerptâ, initium itineris & finis fuit. An hoc inficiari, qui rectè calculos apud Augustinum ponat, quæquam possit? Tam sunt comperta, tam explorata omnia, ut vel in censuris micanti credi debeat.

S O M N I U M X.

Nemo non intelligit quæ monstra adversus Ecclesiasticas leges, ritus, ac ceremonias Neophytis servandas somniaveris. Quàm verò depravatè ac falsè apud Augustinum calculos somniando posueris, ipsemet maximus Doctor, cum primùm longiorem somnum excusseris, demonstrabit. Nam hæc scribit lib. 9. Confess. cap. 6. *Baptizati sumus, & fugit à nobis sollicitudo vite præteritæ. Nec satiabam illis diebus dulcedine mirabili considerare altitudinem consilii divini super salutem generis humani. Quantum feci in hymnis & canticis tuis, suave sonantis Ecclesiæ tuæ vocibus commotus acriter. Voces illæ infuebant auribus meis, & eliquabatur veritas tua in cor meum, &c.* Augustinus suâ tibi voce somnum excuriat. Testatur in eo capite, in quo suum baptismum describit, se baptizatum, dum in Ecclesiâ Mediolanensi hymni sacri canerentur illis diebus, quibus Neophytus Ecclesiâ quotidie de more frequentabat, in lachrymas erupisse. Deinde capite insequenti scribit hymnorum cantum ante annum ibidem fuisse institutum. Synodus Matisconensis I l. cap. 2. ait: *Pascha nostrum debemus omnes festissimè colere, & sedula observationis sinceritate in omnibus venerari, ut illis sex sanctissimis diebus nullus servile opus audent facere, sed omnes simul coadunati hymnis Paschalibus indulgentes, perseverationis nostræ præsentiam quotidianis sacrificiis ostendamus, laudantes Creatorem, & Regeneratorem nostrum vespere, manè, & meridie. Eosdem quoque hymnos in Græca etiam Ecclesiâ per octo Neophytorum dies cantari solitos patet ex canone 66. Trullano: A sancta Christi Dei nostri Resurrectionis die usque ad novam diem Dominicam tota septimana vacare fideles jugiter oportet psalmis, & hymnis, & spiritualibus canticis in Christo gaudentes, festinque celebrantes. Hos hymnos, hæc sacra cantica Augustinus jam baptizatus, illis diebus, hoc est, per totam Paschalem hebdomadam, in Mediolanensi Ecclesiâ inaudivit. At tu fidos ac depravatos apud Augustinum calculos somniando ponens, procul ab Ecclesiâ ipsâ Paschali die, totaque insequenti hebdomada*

domadâ eundem abstrahens, ad incundum iter impellis; à sacro fonte amotum statim ad rhedam trahis, sive in equum sustollis, ut in via avicularum cantus inaudiat. Præterea idem S. Doctor post narratum suum baptismum, cap. 7. ait: *Qui habitare facis unanimes in domo, consociasti nobis & Evodium juvenem ex nostro municipio. Et statim: Simul eramus, simul habitabamus placito sancto. Quarebamus quisnam locus nos melius haberet, servientes tibi, pariter remeabamus in Africam. Et cum apud Ostia Tiberina essemus, mater defuncta est.* Itaque testatur Augustinus post baptismum, in contubernium secum venisse civem Evodium, cum quo simul habitavit placito sancto, ac cum eodem aliisque consilium inivisse de eligendo loco, in quo procul à turbis, uni Deo vacarent, ac decrevisse in Africam pariter remeare. Itaque Augustinus aliquantisper post baptismum Mediolani substitit, antequam ad Africam iter susciperet. Equidem in libris quos proximè ante baptismum scripsit, nunquam Evodius in illis Dialogis interloquitur. At cum Romæ postea Augustinus librum de libero arbitrio composuit, Evodium disputantem inducit, quippè qui post baptismum sibi apud Mediolanum adhaeserat. Hæc cum certissima sint, Macedo somniando clamat: *Omnia sunt apud Augustinum: Ipse Itinerarium exhibebit.* Expergiscere jam tandem, expergiscere, ac cum oculos perfricueris, videbis Augustinum post baptismum in Ecclesia Mediolanensi illis diebus Paschalis hebdomadæ sacris hymnorum concentibus interesse; videbis eundem domi cum novo contubernali eodémque concive Evodio apud Mediolanum habitantem; videbis te operam & quidem magnam Itinerario ex puris putis somniantis fabulis contexendo dedisse, ac non modo, quod fateris, de Augustino, verum etiam in Augustino cogitatione somniare. Hæc tametsi somnia à Pennoto vigilantissima Scriptoris gratis accepisti, qui suorum scriptorum papavere tam bellè te soporavit.

Pag. 716.
col. 1.

M A C E D O.

INvento die, & mense, & anno baptismi Augustini, certum & exploratum habemus, de quo maxima concertatio est, annum mortis, & nativitatis Augustini. Nihil egò vidi in re Chronologica turbatius, contentiosum de eo funem ducentibus domesticis, ac externis scriptoribus: quorum opiniones quare apud alios. Nam mihi non vacat Theologum agens.

S O M N I U M XI.

CRedo equidem, quodd Theologum agis, nihil in re Chronologica turbatius legisse, cum Chronologiæ adyta nec à limine salutaveris. Nam si Scaligeri, ejusque antagonista Petavii, Langij, Petiti,

1. Kheistmanni, Ricciolii, aliorumque Chronologorum volumina evolvisse, longè turbatiora observasse; cum tamen annus nati-
vitatís, itémque annus obitus Augustini ab eruditís scriptoribus Au-
gustinianis Campensi, Herrera, Torello, Sabbatino, juxta vulgarem
epocham Christianorum optimè digestus sit. Ricciolius insignis è So-
cietate Iesu Chronologus tabulam vitæ S. Augustini per annos expan-
sam exhibet lib. 9. Chronol. cap. 10. art. 1. pag. 402. sub titulo:
Synopsis annorum præcipuorum S. Augustini. Utinam hanc, non verò
Pennoti dicta, elegisses! Ceterum quid somnias dicendo: *Invenio
die, & mense, & anno baptismi Augustini certum & exploratum ha-
bemus annum mortis & natiuitatis Augustini?* Tunc invenisti, an à
Pennoto ante annos sex & quinquaginta inventum usurpasti? At
quid tandem invenisti? Augustinum in pervigilio Paschatis die 8.
Aprilis baptizatum. Verùm Chronologi reponunt pervigilium Pas-
chatis incidisse in diem 8. Aprilis Anno Christiano 383. Cyclo solis
28. Lunæ 4. litt. A. & iterum post quinquennium Ann. 388. Bissextili,
Cyclo solis 5. Lunæ 9. litt. B. A. Nec semel annum Christi appellasti,
quo Augustini baptismus contigerit. Paschalis character Sabbati sancti
die 8. Aprilis, bis intra quinquennium occurrit, ac proinde Chrono-
logia annorum vitæ Augustini deducenda est ex certo ac fixo funda-
mento, quod gnomon sit, ex quo ceteri anni manifestè indicentur.
At unde habes Augustinum baptizatum fuisse in pervigilio Paschatis,
quod cõtingit die 8. Aprilis? Nempè quia ea ratione rectè supputas
dies 11. itineris ad Ostia Tiberina, quinque dies incolumitatis Mo-
nicæ prius quàm febris decumbens, nono ægritudinis die, quarto
Maii mortua dicatur. Omnia hæc, ut notavi, inania somnia sunt,
ac scriptor qui quinquaginta temporum proflus indigna. Attamen ex istis
insomniis jactas te certum & exploratum habere annum mortis & nati-
vitatís Augustini. Etiamnum dormis, ac somnias?

M A C E D O.

Ibidem.

Nam mihi non vacat Theologum agenti: Vix eo dignum est, ego
in schola uno icu omnes controversias amputabo. Fixo non clavo pro
anno, quod aiunt, pro anno (jam dixisti pro anno, cur repetis?
Somnias) more Romano, sed anno certo, & comperto fixo clavo stabili,
more Scholastico eadem ratione, qua annum 33. baptismi demonstravi. Illa
repetitio pro anno, vitium est tautologiæ, ut docent Grammatici.

S O M N I U M X H. 2

Si contentiosum funem controversiarum, ac Gordianum hunc no-
dum uno icu amputabis, cum jam Macedo sis, alter etiam cris-

Alexander. Sed eo fune tu supra ceteros arctissime implicari; quod Augustinum hesternâ die Neophytum per Italiz mansiones per totam Paschalem hebdomadam trahis. Annum quem inter somnium, fixum clavo trabali iactas, ubi tibi somnium excussit, intelliges te illum annum Pythiale, immo ne tenui quidem sputo fixisse. Voces istæ uno istu amputare: *fixo clavo trabali: more Romano*, magni hiatus sunt hominis jam jam dormituri, qualis tamen vix dici possis, cum magnam hucusque Itinerarii tui partem semper somniando trauseris.

Ibid.

M A C E D O.

A C primum & Leonardum Coqueum, Gabrielem Pennotum, Petrum Ribadencyram, ad scopum collimasse, dum annum Christi 431. Augustini morte (reponere morti) assignarunt.

S O M N I U M XIII.

Augustini verba sunt in Psal. 63. *Dormientes testes adhibes: verè in ipso obdormisti.* Tres illi alias eruditi scriptores in deligendo anno obitus Augustini aberrarunt. Nec exprobo, nec insulto, qui notum hominum etiam Homerum quandoque dormire. Hoc miror te Endymionis somnium dormire. Capreolus Carthaginiensis Episcopus, ac Prosper Aquitanus, Augustino æquales ac synchroni, immo & ejusdem viventis amici testantur ante Ann. 431. Augustinum è vita migrasse. Hoc ipsum eidem sæculo proximus scribit Libaratus Diaconus Carthaginiensis, quorum ad somnium verba recitabo. Itaque somnias tres illos scriptores, qui hoc sæculo inter homines ambulabant, ad scopum collimasse, aberrasse verò Capreolum ac Prosperum perperam assignando annum quo Augustinus ipsorum amicus è vivis excessit. Testes, qui moriente Augustino vivebant, uti mendaces repudias; testes qui post mille, ac ducentos annos ab Augustini obitu vixerunt, appellas & laudas; nec somnias?

Ibid.

M A C E D O.

Hoc tu deinceps, Lector, certum habeto, & indubitatum, idque meo calculis subductis efficiam.

S O M N I U M XIV.

Dum crispata fronte, ac magistrali supercilio de anno obitus Augustini 431. legem promulgas: *Hanc tu deinceps certum habeto*

& indubitatum, somnias te in Chronologorum Republica Dictatorem; à cuius sententia nemini liceat appellare. *Imperiosus homo es*: Est vetusti poetæ hemistichium. Depones fasces dictatorios, cum primum calculos subducere incipies; nam Chronologi quoddam tantum somniando usurpas, imperio tibi abrogato, ad pueros Arithmeticæ primam operam ponentes, amandabunt.

M A C E D O.

Pag. cad.

Volo ut hoc mihi debeat Augustiniana gens, cui sum deditus. Hoc ego nomine eos mihi nomina faciam.

S O M N I U M XV.

Augustiniani, quos sine auctore Aborigines, aut sine parente Myrmidones somnias, hoc te nomine salutabunt: *Ecce somnator venit*. Augustinus Pater est multarum gentium. Si Canonicos regulares appellas, ipsi viderint, quo te nomine per antonomasiam nuncupabunt. Sin Eremitarum sodalitium intelligis, cum te tot insomniorum portenta narrantem inaudiunt, quid nisi risum ac cachinnos debent? Ludovicus ab Angelis Lusitanus, Thomas Herrera, Petrus Campensis, Joannes Marquezus Hispani; Nicolaus Crusenius, Joannes Rivius, Christianus Lupus Belgæ, Aloysius Torellus, Joseph Sabbatinus, Henricus Noris, qui tres adhuc in Italia superstites sunt, Simplicianus à S. Martino, ac Carolus Moreavius nostri Galli, qui de Augustini vita, gestis, scriptis, deque Augustinensium instituto, ac rebus gestis iusta volumina condidit, obitum magni Patris affixerunt anno æræ Christianæ 430. Tu verò tuâ somnia tanti facis, ut speres fore, ut pro eisdem Augustiniani grates persolvant, vel saltem debeant, ac relicta sententia certa ac indubitata de anno mortis Augustini 430. quam tot insignes Augustiniani scriptores in bono lumine collocarunt, tum de anno obitus ejusdem Doctoris insomnium & sequantur, ac tibi etiam plaudant, cui

— velut ægri somnia, vana
Finguntur species, ut nec pes, nec caput nris
Reddatur forma.

M A C E D O.

Ibid.

Simplicia veritate proximè adducta & confirmata, nullus alius obitus Augustini annus esse potest, nec ante, nec post. Excludo quod est
C 2 facilis

facilius annum post 431. qui sit 432. quia eo anno insunte Celestinus Papa decretalem epistolam edidit pro Augustini doctrina, quæ eam confirmavit & consecravit, repressis illius adversariis Pelagii reliquiis, sive Semipelagianis, mortuo jam Augustino; quem ipse paucos post menses secutus fuit; scilicet V. Idus Aprilis ejus anni 432. cum Augustinus mense Augusto superioris anni 431. obiisset.

S O M N I U M XVI.

IN Romano Martyrologio die 6. Aprilis legitur: *Roma S. Celestini Papa, &c. & in vita ejusdem: Sepultus est in camerio Priscilla viâ Salariâ VIII. Idus Aprilis.* At tu sompnias Celestinum è vita migrasse V. Idus, hoc est, die nona Aprilis, qui VIII. Idus, idest, die sexta ejus mensis demortuus, ac sepulture traditus fuerat. Liceat tamen somnianti fingere homines in lecto febribus extingui, postquam ante triduuni sepulchro conditi fuerant.

M A C E D O.

Nunc excludo antecedentem, idest 430. irrefragabili argumento, nixo proximâ supputatione. Augustinus baptizatus fuit Anno illo 388. quod liquet: nec alio bapti vi potuit: ab eo ad annum 431. decurrit justum spatium temporis; æque vita usque ad obitum Augustini, quod continet quadraginta sex annos; igitur eo anno mortuus est. Subduco calculos.

S O M N I U M XVII.

Siste parumper, antequam calculos subducas; nam quam proximè subduxisti, supputatio est tibi iterum repetenda. Ponis annum baptismi 388. addis supervixisse postea Augustinum usque ad annum 431. quod medium vitæ spatium, inquis: continet annos quadraginta sex. Jam prædixeram te à Chronologis, quibus pro imperio leges imponis, ad prima Arithmeticæ elementa discenda amandandum. Da numerum 388. adde 46. habetur supputando numerus 434. Tu verò per somnium subducis 431: Pœcam, si evigilans tam depravatè calculos subduxisti.

S O M N I U M XVIII.

Dicis: Augustinus baptizatus fuit Anno illo 388. quod liquet, nec alio baptizari potuit. Nunquam in tuo Itineratio annum 388. nominasti, & modò dicis anno illo 388. Illum quidem Paschali caractere indicaveras, nempe cum Sabbatum sanctum incidit in diem octavum

octavum Aprilis, qui tamen character congruit, ut dixi, anno etiam 383. Quæro te, cur illo anno 388, Augustini baptismus contigit. Respondes quia post diem 8. Aprilis, aptè supersunt dies duodecim itineri Mediolano Romam conficiendo, item quinque incolumis Monicæ apud Ostiam, & novem insuper ægritudinis ejusdem ante mortem, quam obiit quarto die Maii. Verùm hoc horrendum somnium contra Ecclesiasticas leges Neophytis impositas, tu quoque, cùm evigilaveris, non quidem deridebis, sed planè execraberis. Hoc sompniatur quod jactas, *irrefragabile argumentum*. Præterea ais: *Augustinus baptizatus fuit illo anno 388. quod liquet*. At non liquet num eo anno Augustinus ageret annum ætatis 33. inchoatum, an verò completum; qua de re dixi ad Somnium I I. Ludovicus ab Angelis Augustinianus ac Doctor Conimbricensis lib. 1. de vita S. Augustini cap. 4. scribit Augustinum baptizatum fuisse die 24. Aprilis, Sabbato sancto, Ann. 387. quam sententiam pluribus postea firmarunt Herrera in Alphabeto Augustiniano, Torellus tom. 1. sæcul. Augustin. ad Ann. 387. aliique. Hunc sui baptismi annum apertè insinuat Augustinus lib. 9. Confess. ubi cùm cap. 6. narrasset se post baptismum inter sacros hymnorum cantus in Mediolanensi Ecclesia flevisse, cap. 7. initio hæc scribit: *Non longè ceperat Mediolanensis Ecclesia genus hoc consolationis & exhortationis celebrare, magno studio fratrum concinentium vocibus & cordibus*. Nimirum annus erat, aut non multò amplius, cùm Justina Valentiniani regis pueri mater, hominem tuum Ambrosium persequeretur hæresis sua causâ, quâ fuerat seducta ab Arriano. Excubabat pia plebs in Ecclesia, mori parata cùm Episcopo suo, servo tuo, &c. Tunc hymni & psalmi ut canerentur secundùm morem Orientalium parvum, ne populus majoris radio contabesceret, institutum est. Et statim: *Tunc memorato Antistiti tuo per visum aperuisti, quo loco lærent martyrum corpora Protasii & Gervasii*. Et narratis miraculis in sacrarum reliquiarum translatione patratis, ait: *Inde illius inimica animus, etsi ad credendi sanitatem non applicitus, à persequendi rimen furore compressus est*. Hæc anno ante suum baptismum contigisse Augustinus testatur. Valentinianus junior, occiso Gratiano fratre à Maximo in Galliis Ann. 383. à Justina matre seductus Arrianæ sectæ adhæserat. Id contigit anno 385. Nam D. Ambrosius scribens ad eundem Principem epistolam XI. lib. 2. pro non restituenda Ara Victoriz in Curia contra Symmachum Præfectum Urbis Ann. 384. ait: *Certè si aliud statuitur, Episcopi hoc æquo animo pari & dissimulare non possumus. Licebit tibi ad Ecclesiam convenire, sed illic non invenies Sacerdotem, aut invenies resistentem*. Itaque eo anno 384. Valentinianus in Ecclesiam conveniebat, ac proinde nondum palam Arrianum dogma profitebatur, uti anno insequenti fecit. Nam Valentinianus Ann. 385. Justinâ Augustâ Arrianis impensius favente, à qua etiam seductus ad illorum sectam transierat, egit cum Ambrosio,

ut Basilicam Arrianis concederet, ubi suos & ipsi conventus celebrarent. Ambrosius nullis Imperatoris promissis aut minis ad tradendam Basilicam inflecti potuit. Hinc in oratione de non tradendis Basilicis, quam anno 386. uti ostendam, recitavit: *Quasi verò, inquit, superiori anno, quando ad palatium sum petitus, cum presentibus primatibus ante consistorium tractaretur, cum Imperator Basilicam vellet eripere, ego tunc aula contemplatione regalis infractus sim, constantiam non tenuerim Sacerdotis, aut imminuo jure discesserim.* Hinc Justina impotens iræ, auctrix fuit Valentiniano, ut legem publicaret, quæ Arrianis publicè in Ecclesiam conveniendi facultas permitteretur, quæ initio Ann. 386. in hæc verba concepta est: *Damus copiam colligendi his, qui secundum ea sentiunt, qua temporibus Diva mem. Constantii, Sacerdotibus convocatis ex omni Orbe Romano, expositæque fide ab his ipsis, qui dissentire noscuntur, Ariminensi Concilio, Constantinop. etiam confirmata in æternum mansura sunt. Conveniendi etiam quibus jussimus pateat arbitrium, &c. Dat. X. Kalend. Febr. Mediolani Honorio N. B. P. & Evodio Coss. Extat lib. 16. Cod. T. L. 4. de Fide Catholica.* Ambrosius nullam, se vivo, Arrianos basilicam Catholicis erepturos protestatus, Principum sibi odia contraxit, ac insignem orationem *de non tradendis basilicis hæreticis*, recitavit. Baronius in vita S. Ambrosii scribit eam orationem habitam A. 385. in Annalibus verò eandem refert A. 387. Verùm nullus dubito, quin recitata sit A. 386. Nam cum festa Paschalia instarent, Imperator jussit sibi concedi basilicam Pottianam, in qua cum matre ac cæteris Arrianis sacros dies celebrarent. Ambrosius in laudata oratione conqueritur *inclinatum IAM vel Imperatoris judicium quod lata lege patefecit; & paulò inferiùs: Hanc ergo legem quisquam sequatur, qua firmatur Ariminense Concilium, in quo creatura dictus est Christus.* Ex his patet eam orationem habitam fuisse paulò post eam pro Arrianis legem à Valentiniano latam; siquidem si eam recitasset decimo quinto mense postquam emissa fuerat, nempe die 18. Aprilis Dominicâ Palmarum A. 387. quæ posterior Baronii opinio fuit, non dixisset: *IAM inclinatum Imperatoris judicium*, cum ante annum ac mensem tertium id contigisset. Ex iisdem etiam verbis constat eam orationem non fuisse recitatam A. 385. cum disertè ibidem excretur legem pro Ariminensi Concilio, quæ anno 386. emissa fuit. Et sanè cut Justina irarum ac minarum plena, ac suis Arrianis impotenter favens, ejus legis executionem in alterum annum, & quidem Mediolani præsens, distulisset? Etenim id temporis, cum lex emissa fuit, Valentinianus annum ætatis agebat decimum quintum, cum ex Ammiano Marcellino in fine libri 30. die 17. Novembris A. 375. cum quadrimus ad imperium evectus fuerit, quamvis in fastis Idacianis dicatur natus die 18. Januarii A. 366. Itaque cum A. 386. festa Paschalia instarent, Comitès è consistorio Principis Ambrosium convenere,

undem ad basilicam tradendam inclinarent. Rem fusiùs idem Ambrosius narrat in epistol. 14. ad Marcellinam sororem, scribens : *equenti die (erat enim Dominica) post lectiones atque tractatum, distinxisti Catechumenis, symbolum aliquibus Competentibus in baptisterii tradendam Basilicam.* Erat ea Dominica Palmarum, qua die symbolum ab Episcopis competentibus tradebatur, qui postea in pervigilio Paschatis baptizabantur. Addit in eadem epistola Ambrosius : *Ego in Basilica veteri totum exegi diem, inde domum cubitum me recepi, ut si quis abducere vellet, invenires paratum.* Nam fama erat Ambrosium jussu Imperatoris in exilium deportandum. Quod veritus populus eidem excubias faciebat. Id testatur Ambrosius initio statim Orationis laudatæ : *Video vos præter solum esse turbatos, atque asseruantes mei. Admiror quid hoc sit, nisi forè quia per Tribunos me vidistis, aut audistis imperiali mandato esse conventum, ut quo vellem abirem hinc, &c.* Et inferiùs : *Cerrè si Dominus huic nos certamini deputavit, frustra pervigiles tot noctibus & diebus custodias exhibetis. Implebitur Christi voluntas.* Dominica Palmarum eo anno 386. contigit die 29. Martii, Cyclo Solis III. lit. D. In eadem epistola 14. narrationem prosequens ait : *Aute lucam ubi pedem limine extuli, circumfuso milite occupatur Ecclesia.* Erat Feria I. I. majoris hebdomadæ, 30. dies Martii. Et statim addit : *Exactus est totus ille dies in mœrore nostro, scissa sament ab illudentibus pueris cortina regie. Ego domum redire non potui, quia circumfusi erant milites, qui Basilicam custodiebant.* Itaque coactus est in Basilica pernoctare. Postea verò ait : *Sequenti die (nempe feria 3. die 31. Martii, non autem feria secunda, ut putavit Baronius) lectus est de more liber Iona, &c.* Tunc verò populum hymnos ab Ambrosio compositos in Ecclesia cecinisse, idem in citata Orat. testatur : *Hymnorum quoque mœorum carminibus deceptum populum ferunt.* Interea nuntii palam Imperatori denuntiabant ituros se orandi gratia ad illam Basilicam, in qua foret Ambrosius, nec ulla ratione se pati posse ab ejusdem comunione separari. Tum Imperator militarem tumultum, ac iratæ plebis furorē veritus, consiliū extorquendæ Basilicæ deposuit. Sub id ferè temporis inventa sunt ab Ambrosio corpora SS. Martyrum Protasii & Gervasii, quæ insigni pompa S. Doctor in Ambrosianam basilicam transtulit. Id contigisse die 19. Junii, quæ eorundem memoria in fastis Ecclesiæ colitur, pluribus ostendit Petrus Puricellus in dissert. Nazariana cap. 73. & in lib. de monumentis Ecclesiæ Ambrosianæ. Hoc ipsum colligitur ex Augustino serm. 39 de diver. ubi ait : *Celebramus ergo hodierna die, fratres, memoriam in hoc loco positam SS. Protasii & Gervasii Mediolanensium Martyrum. Non enim diem, quo hic posita est, sed eum diem hodiè celebramus, quando invenita est pretiosa in conspectu Domini mors Sanctorum ejus per Ambrosium Episcopum hominem Dei, cuius tunc tanta gloria Martyrum etiam ego testis fui. Ibi eram, Mediolani eram, facta miracula*

novi. Idem verò Augustinus lib. 9. Confess. cap. 7. ait opportunè & rectas eas Sanctorum reliquias : *ad coercendam rabiem famineam , & regiam ; nam ob patrata miracula , illius inimica animus , etsi ad credendi sanitatem non applicitur , à persequendi tamen furore compressus est.* Hoc ipsum testatur Paulinus in libro de vita S. Ambrosii , quem Augustino nuncupavit , ubi narratis miraculis in depositione corporum SS. Martyrum factis , ait : *Denique ex hoc tempore sedari coepit persecutio , quæ Justina furore accendebatur , ut Sacerdos de Ecclesia pelleretur.* Extrat inter literas Ambrosii epist. 53. ad Episcopos Italix de inventione corporum laudatorum Martyrum , quam etiam producit Damascenus orat. 2. de Imaginibus , in qua dicuntur illæ reliquæ *indiebus transacta nuper Quadragesima repertæ ;* ea tamen suspectæ fidei Baronio visa est , & certè repugnare videtur epistolæ 54. quam Ambrosius ea de re ad sororem perscripsit. Conferat utramque Lector , & judicet. Hinc etiam rursus probatur Justinæ persecutionem , ac Martyrum inventionem non contigisse A. 387. Nam hoc anno Valentinianus , ac Justina Ambrosium legatum ad Maximum Treviros miserunt , qui re infecta dimissus ad Valentinianum scripsit : *Esso surior adversus hominem pacis involucro bellum tegentem.* Epist. 56. Quare Imperator Donatinum alterum pro confirmanda pace legatum ad Maximum destinavit , quem Maximus ingenti honore exceptum , ac regiis muneribus decoratum dimittens , illum cum exercitu subsecutus , Cottiis ac Juliis Alpibus occupatis , ex Pacato in panegyrico ad Theodosium , in Italiam descendens , Aquileiam contendit. Valentinianus verò improvise Tyranni adventu territus , conscensa nave , cum Justina matre Thessalonicam fugit , Theodosius qui in Oriente imperabat , opem imploraturus. Paulinus laudatus post narrata miracula , ac remissum Justinæ furorem , ait : *Sanctus verò Ambrosius Episcopus majoris humilitatis vir factus donatam sibi à Domino gratiam reservabat , crescebatque quotidie fide & amore coram Deo , & hominibus.* Ibi verò paulò post scribit Ambrosium alteram ad Maximum legationem suscepisse. Igitur cum die 19. Junii sacræ reliquiæ inventæ fuerint , ac postea ob miraculorum famam totius populi ore celebratam ; Justina itam remisit , id circa exitum Junii dicatur contigisse. Cum verò Paulinus , antequam narret delatam Ambrosio legationem , dicat illum crevisse *quotidie fide & amore coram Deo & hominibus* , vix antequam Augustum legatione functus videtur ; neque enim Justina hominem hesternæ die , ut ita dicam , sibi insensissimum , tam citò eo honore exornasset , præsertim cum Maximus Arrianos persequeretur. Hinc pater memoratam persecutionem contigisse A. 386. neque enim intra trimestre spatium Ambrosii , & iterum Domnini legationes , ac Maximi in Italiam irruptionem contingere potuisse affirmabit ; qui locorum distantiam consideraverit ; cum Maximus Treveris , Valentinianus verò Mediolani , vel Aquileiæ subsisteret. Zosimus scribit

Domnium Aquileia legatum destinatum. Maximus certe labente Autumno Alpès superavit, cum circa hiemem gelu rigeant, exercitibus planè impervix. Hinc anno 386. Justinæ contra Ambrosium persecutione, hymnorum apud Mediolanensem Ecclesiam institutione, ac denique inventione reliquiarum Martyrum Protasii & Gervasii alligatis, annus baptismi S. Augustini apparet, nempe 387. quando, ut ipse ait: *Annus erat aut non multò amplius cum Iustina Valentiniani regis pueri mater hominem suum Ambrosium persequeretur, &c.* quando: *Excubabat pia plebs in Ecclesia, mori parata cum Episcopo suo, &c.* Porro gravior persecutionis fragor contra Ambrosium detonuit ex superius demonstratis die 29. ac 30. Martii A. 386. Nocte verò postremam ejus mensis diem præcedente, plebs cum Episcopo Ambrosio in Ecclesia excubuit. Cum verò Augustinus baptizatus fuerit die 24. Aprilis Sabbato sancto A. 387. Cyclo solis IV. Lunæ VIII. lit. C. rectè scripsit Augustinus nuper baptizatus: *Annus erat, aut non multò amplius, nam à Dominica Palmatum A. 386. ad diem abs se suscepti baptismi, numeratur annus, ac dies insuper viginti septem, quos illis vocibus aut non multò amplius apertissimè expressit.* Ceterum quamvis hucusque ex Ambrosii, Augustini, ac Paullini deducta, ac secum invicem collata testimonia anno 387. Augustini baptismum deputandum demonstrent, hoc ipsum antiquissimi Chronologi, ac ipsius Augustini postrema ætate viventis, auctoritate confirmatur. Is est Prosper Tyro, cujus Chronicon per annos imperii Romanorum Principum ab obitu Valentis, usque ad Valentiniani III. necem digestum, eruditissimus Pithæus publicavit, ac postea Canisius tomo I. Antiq. pag. 164. inseruit, ac emendatius postremò edidit Labbeus tom. 1. Bibl. MSS. pag. 36. Integrum fragmentum recitabo. Igitur sub distinctis annorum notis hæc ibi leguntur.

I I. *Iustina mater Valentiniani Arrianis favens in Ambrosium, & omnem Mediolanensem Ecclesiam diversa injuriarum genera congerit.*

Reliquia Gervasis & Protasii Martyrum ab Ambrosio primum Mediolani reperta.

Hymni Ambrosii compositi, qui nunquam ante in Ecclesiis Latinis modulis cantabantur.

I I I. *Maximus indignum ducens contra Ecclesia statum agi, locum irrupendi quod cum Valentiniano junxerat sædus, invenit. Valentinianus veritus imminentem jam cervicibus suis Tyrannum, ad Theodosium confugit.*

Augustinus Mediolani Rhetoricam adprimè docens, omissis scholis ad fidem rectam convertitur, cum ante Manicheus fuisset.

I V. *Theodosius cum exercitu ad Italiam transgrediens, Maximum interfecit, & Valentinianum proprio regno reddidit.*

Iustina, qua Ecclesias vexaverat, ne regnum cum filio reciperet, morte præventa est.

Ita Chronolog. Augustino Synchronus anno ;86. tria illa refert, quæ Augustinus ante annum sui baptismi contigisse narrat. Idem etiam A. ;87. recitat Valentiniani fugam ac baptismum S. Augustini ; & quamvis *conversionem ad fidem* nominet, quæ ineunte ætate A. ;86. acciderat, nomine *conversionis* publicam fidei professionem in baptismo factam intelligit ; neque enim notum illi erat, quid privatim antea Augustinus secum deliberaverat. Denique Maximi necem refert, quæ contigit A. ;88. die 28. Augusti, uti scribit Socrates lib. 5. cap. 24. & patet ex *L. 6. & 7. de infirm. his qua sub Tyran.* Cod. T. In eodem etiam Chronico mors Valentiniani sub num. IX. ponitur, qui cum extinctus fuerit ex S. Epiphanio *Idibus Maii, pridie Pentecostes, die Sabbati* cap. 20. de mens. & pond. nempe die 15. Maii A. ;92. Bissextili, Cyclo solis IX. lit. DC. Justinæ persecutio juxta laudatum Chronologum cadit in A. ;86. & in sequentem baptismus, seu publica conversio Augustini. Ex his ad somnium Macedi redeundum est, qui ait : *Augustinus baptizatus fuit anno illo ;88. quod liquet ;* cum planè liqueat ex testimonio Chronologi Augustino corvi, imò ipsius etiam Augustini, baptizatum fuisse A. ;87. die 24. Aprilis, Sabbato sancto. Hoc idem iterum demonstrabitur ad Somnium XXXI. ubi Augustinianæ vitæ Chronologia ex S. Doctoris libris exponetur.

Ibid.

M A C E D O.

Augustinus secundum Possidonium in ejus vita, vixit annos septuaginta sex. In Clericatu autem vel Episcopatu annos ferme quadraginta, quod tempus Romanum Breviarium ita exposuit in tertia secundi Nocturni lectione : Vixit annos septuaginta sex, in Episcopatu ad triginta sex ; non meminisse Clericatus, uti Possidonius. Teneamus Episcopatum. Addamus aliquos simplicis Clericatus, puta quatuor, sunt quadraginta Possidonii, supersunt sex secundum supputationem Romanam, quos sic colligo.

S O M N I U M XVIII.

POnis annos ;6. Episcopatus, addis quatuor, & ais : *Fiunt quadraginta Possidonii.* Rectè in digitis numerasti, quod cum ante duodecim versus facere non posses, datis annis ;88. & additis 46. collegisti summam annorum 431. Hic verò etiam somnias, cum ais ; *super sunt sex secundum supputationem Romanam.* Ex hoc verò somnio longam sanè, somniorum catenam cudas, ac extendis ; quod proximè apparebit, cum annorum annulos colliges, ac connectes.

MACEDO.

Ibid.

Trigesimum tertium annum fere Roma, quò rediit post mortem Matris, Augustinus consumpsit, quemadmodum diximus superius cap. 1. Collat. 2. (reponere Collat. 1 X. nec tuos libros nisi somniano citas) diximus. Saltem annus ille exiit, dum transiit in Africam. Venit ergo in Africam incurre anno suo 34. Augustinus. Successit postea in agros paternos, ubi fuit commemoratus triennium expressum à Possidonio cap. 3. quemadmodum supra non semel statuimus. Erat hic annus 37. Augustini. Superfuit ad 46. anni novem, quos Breviarium assignat Clericatus S. Augustini ante Episcopatum, quem eo anno obtinuit, idest quadagesimo sexto.

SOMNIUM XIX.

QUod cum velis, & quantum velis, dormites, dormias, somnias, haud magno tibi vitio vertam; sed quod tua ridicula somnia Breviario Romano, hoc est, Romanæ Ecclesiæ affrices, hoc gravius peccatum est, quam ut à me tantummodo castigeris. Ubi, ubi, quæso te, memorantur anni novem, quos Breviarium assignat Clericatus S. Augustini ante Episcopatum? Augustinus obiit, uti somnias, A. 431. Episcopatus, inquit Breviarium, A. 36. Jam ab A. 431. retrocede per annos 36. initium Episcopatus Augustini juxta Breviarium, cadit in A. 395. Quod si Breviarium assignat annos novem Clericatus S. Augustini ante Episcopatum, initiatus est Clericus juxta Breviarium, te tamen Auctore, anno 384. nempe ~~quadraginta~~ vel triennio ante baptismum. Nonne horrenda somnias?

SOMNIUM XX.

Somnio somnia annexis; postquam enim dixisti Breviarium novem annos assignare Clericatus ante Episcopatum, quomodo, addis, eo anno obtinuit, idest quadagesimo sexto. Augustinus, ut tu putas, natus est A. 355. adde huic numero annos quadraginta sex, habetur annus Epochæ Christianæ 401. Videsne quæ commenta somnias? Etenim si Augustinus obtinuit Episcopatum anno ætatis quadagesimo sexto, Christi 401. annos tantum triginta Episcopus sedisset, cum tamen Breviarium annos 36. Episcopatus affirmer. Hæc somnia tam innuuntia Typographo vellem adscribere. Verum tu disertè scribis: Superfuit ad 46. anni novem; & postea ais obtinuisse Episcopatum anno quadagesimo sexto; Romanis literis, non Arabicis notis, numeros annorum scribis. Igitur unus tu somniasti. Somnium totum tuum est, in cujus

partem non Amannenſis, non Typographus, nullus hominum veniat. Potes etiam alia ratione calculos ſubducere. Auguſtinus obtinuit Epiſcopatum anno ætatis quadrageſimo ſexto, juxta Breviarium, adde annos Epiſcopatus 36. ſunt anni vitæ Auguſtini octoginta duo. Verba Breviarii hitoricè optimè recitaſti; Arithmeticè eadem retractando corrupiſti. Hæc ibi leguntur: *Vixit annos ſeptuaginta ſex, in Epiſcopatu ad triginta ſex.* Deinde de annis 76. annos 36. remanet annus vitæ Auguſtini quadrageſimus, non uti ſomniaſ, *quadrageſimus ſextus.* Legimus in altera Lectione Breviarii: *A Valerio nota ſanctitatis Epiſcopo Hipponenſi preſbyter factus eſt.* Nulli anni preſbyteratuſ assignantur. At tu novem numerari ſomniaſ. Cum dormiendi ſinem facies, ac Breviarium relegeris, tam ridicula inſomnia ridebis.

Ibid.

M A C E D O.

Conſtat ſumma annorum Epiſcopatus 36. ſecundum calculos Breviarii Romani, quod quidem longiorem ei tribuit Clericatum. Quare videtur Poſſidonius exactius, & accuratius illud tempus diſtribuiſſe.

S O M N I U M XXI.

Idem ſomnium continuas. Ex Breviario habemus annos vitæ Auguſtini ſeptuaginta ſex, quorum 36. Epiſcopus vixit. Nec vola, nec veſtigium annorum Clericatus apparet. Neque novem annos assignat Clericatuſ, ut immaniter comminiſceris: neque ſex: neque quatuor: neque duos, imò neque etiam unum. Nam ibidem preſbyter tantum dicitur factus, nullo geſti preſbyteratus tempore designato.

S O M N I U M XXII.

UT videatur Poſſidius exactius & accuratius illud tempus diſtribuiſſe ſomnium tuum facit, qui annos ætatis Auguſtini ante Epiſcopatum quadrageſima ſex juxta Breviarium numeraviſti, cum palam ex Breviario quadrageſima ſolummodo colligantur.

Ibid col. 1.

M A C E D O.

Verum ut utrumque concordet; animadverto Breviarium Romanum concluſiſſe in Clericatu illos annos Epiſcopatus, quibus Auguſtinus ſimul cum Valerio geſſit Epiſcopatum, quos ſaltem tres eſſe oportuit: ita poſt triennium decurſum preſbyterii Epiſcopus fuerit conſecratus, & coadjutor Aurelio datus. Quorum tamen diſtinctam Poſſidonius rationem habere noluit.

noluit, numerans tantummodò eos, in quibus solus, mortuo jam Valerio, Augustinus solitarius Episcopatum administravit.

S O M N I U M XXII.

HÆres etiamnum in eodem luto somniando. Breviarium Romanum ait Augustinum vixisse annos in Episcopatu ad triginta sex. Nihil hic de Clericatu, seu de annis Clericatus. Et sanè somnias Romanam Ecclesiam Augustinum Episcopum ordinatum coadjutorem Valerii, inter Clericos numerare. Uterque enim erat & censebatur Episcopus. Qua ergo ratione annos, quibus sedet Coepiscopus, in Clericatu conclusit? Breviarium ait sedisse Episcopum annos triginta sex. In istis annis 36. vel numerantur anni, quibus etiam sedit simul cum Valerio; vel quibus, Valerio mortuo, solus Hipponensem Ecclesiam administravit. Quod mavis, eligito. Si primum affirmes; vides te somniasse dicendo Breviarium, conclusisse in Clericatu illos annos, quibus Augustinus simul cum Valerio gessit Episcopatum; nam illos annos numerat in annis Episcopatus. Sin alterum adstruas; jam somniabis Augustinum Episcopum cum Valerio, triennio ante A. 395. Equidem nondum altus te somnus ceperat, cum pag. 720. col. 1. dicitur abs te Augustinus Episcopus creatus à Megalio Primæ Numidia annum agens quadragesimum; incidit autem is in annum Christi 394. sexto post baptismum. Ex quo ad obitum usque Augustini numerantur anni triginta sex, quos vixit in Episcopatu secundum computationem Breviarii Romani, & Possidonii. At Megalius consecravat Augustinum Episcopum Coadjutorem Valerio datum ex Possidio cap. 8. Hinc illa pag. 720. recitè numeras annos, quibus sedit cum collega Valerio, inter illos 36. quos Breviarium tribuit Episcopatu Augustini. Denique Augustinus lib. 1. Retract. cap. 17. scribit se presbyterum de symbolo disputasse coram Episcopis hoc jubentibus, qui plenarium totius Africa Concilium Hippone regio habebant. At hæc Synodus in Codice Africano dicitur celebrata Imp. Theodosio III. & Abundantio V. C. Coss. VIII. Idus Octobris. Igitur die 8. Octobris A. 393. Augustinus adhuc erat presbyter, ut planè somnium sit Breviarium Romanum in annis 36. Episcopatus Augustini non numerasse eos, quibus unà cum Valerio sedit.

S O M N I U M XXXIII.

QUdd verò pag. 720. citata recitas Episcopatum Augustini anno Christi 394. aliud somnium est. Nam S. Prosper Augustini & viventis & demortui defensor acerrimus, cui S. Doctor libros duos honoris gratia, nuncupavit, in Chronico scribit: Olybrio & Probino Coss. Augustinus B. Ambrosii discipulus, multa facundia doctrinaque excellens, Hippone regio in Africa ordinatur Episcopus. Illud collegium

Consulium signat Annum Christi 393. Longior somnus, quo tandiu stertis, fecit ne in illud aureum Chronicon ab amico Augustini compositum, oculos aperires. Alium errorem errasti, cum dixisti pag. 727. & conditor Aurelio datus. Repone: Valerio, ut antea ac statim collegam Augustini rectè nominasti. Est levius erratum, quod nolo somniorum numerum augeat.

S O M N I U M XXIV.

I mportunus fortè videar, qui à somniantie constantiam in loquendo desiderem, ita ut sibi invicem repugnantia loqui non possit, cum quilibet Chimæras ac Hircocervos somniando concipiat. Imò hinc vel maximè tua somnia comprobentur. Hic dicis *Breviarium Romanum conclusisse in Clericatu illos annos Episcopatus, quibus Augustinus simul cum Valerio gessit. Episcopatum, quos saltem tres esse oportuit: ita post triennium decursum presbyterii Episcopus fueris consecratus, & conditor Aurelio (scribas Valerio) datus.* Igitur ex Breviario habentur tres anni presbyterii, & itidem tres Episcopatus Augustini cum Valerio, qui simul sumpti annos sex constituunt. At paucos ante versus, nempe 12. dixisti: *Supersunt ad 46. anni novem quos Breviarium assignat Clericatus S. Augustini ante Episcopatum.* Hic annos novem commemoraris. Si novem anni sunt, non sunt tantummodo sex; si sex, quomodo novem? Pugnancia loqueris, contraria loqueris, Chimæras somniando loqueris.

S O M N I U M XXV.

Magnus planè somniator es, qui in quatuor versibus tam multa somnias. Nam dicis Possidium eos solummodo annos numerasse, in quibus solus, mortuo jam Valerio, Augustinus solitarius Episcopatum administravit. Somnias. Hæc Possidius scribit cap. 30. de vita Augustini: *Vixit annos septuaginta sex; In Clericatu autem vel Episcopatu annos fere quadraginta:* quæ verba in hac ipsa pag. 727. adduxisti in priori columna: & quidem ab hoc somnio minimo spatio disjuncta. Porro si vigilasses, manifestè vidisses Possidium annos tum Clericatus tum Episcopatus sive cum collega, sive hoc ipso demortuo, una numerali nota scilicet *fere quadraginta*, designasse. Ubi, quæso te, Possidius numerat annos solitarii Episcopatus Augustini? Doce nos, si potis es, ex Possidio hunc distinctum annum numerum. Vah quàm longa te insomnia fallunt!

M A C E D O.

Quod si unus adhuc supererat, satis etiam videntur esse tres presbyterii, & Episcopatus quinque; nam ille exivius fuit itineribus, preparationibus, occupationibus, qua multa solent intervenire in statum vite mutatione, qualis erat ille Augustini, cui relinquenda erat patria, & agri vendendi & ex eis pecunia ad publicum redigenda, ac Monasterium edificandum.

S O M N I U M XXVI.

Augustinus amicum ad Monasticam vitam traducturus, Hipponem veniens, à populo apprehensus, ordinatus fuit Presbyter. Rem narrat Possidius cap. 4. *Cum tenuerunt, & ut in talibus consue- tum est, Episcopo ordinandum intulerunt.* Et statim: *Et eorum TVNC, ut v. luerunt, completum est desiderium.* Itaque Augustinus factus est presbyter, cum de ea dignitate obtinenda ne quidem cogitaret. Jam tandem evigila, ac dicito, num ille annus, qui tibi fingitur exivius itineribus, preparationibus, &c. computetur inter illos tres presbyterii, vel eisdem præcedat. Si primum eligas; deficit annus ad novennium quod somniando expiscaris, etenim remanent tantum tres presbyterii, ac quinque Episcopatus. Ar verò clamas: *Supersunt ad 46. anni novem pag. ead. col. 1.* Sin dicas non includi annum illum negotiosum intra tres annos presbyterii, certe somnias. Nam si Augustinus à Valerio presbyter ordinatus, iter habuit, se sacrorum voluminum lectione, ac sanctioribus meditationibus ad delatum sibi munus graviter exercendum præparavit, &c. erat verè Presbyter, nullaque nisi si ita tibi, ratio suppetit ad annum illum ab annis presbyterii Augustini excludendum. Visne scire quantum temporis Augustinus recens presbyter factus, ad preparationem sibi à Valerio concedi petierit? Eiusdem verba vel dormienti tibi in aures infusurto, quibus fortasse exciteris: *Ad quod negotium, inquit epist. 148. ad Valerium, parvum tempus vel usque ad Pascha impetrari volui per fratres à tua sincerissima, & venerabili charitate, & nunc per has preces volo.* Valerius Episcopus ubi primum presbyterium Augustino detulit, eundem imposito statim manete fungi volebat. At ille ad se præparandum parvum tempus vel usque ad Pascha sibi concedi rogabat. Tu pro tua liberalitate annum integrum donas tendendum itineribus, preparationibus, occupationibus, agris vendendis, &c. Visne quàm liberaliter somnias?

LEpida quædam interpretatio, ac jucundum glossema, quo laudata à me Possidii verba circumscribis pag. 672. col. 1. cogit me extratum Itinerarium unico tantum passu deflectere; cur enim de proximo præclarum somnium non accersam? Verba Possidii sunt cap. 4. *Eum ergo tenuerunt, & ut in talibus consuetum est, Episcopo ordinandum intulerunt.* Hæc ita interpretaris: *Deinde observa:* Ut in talibus consuetum est, quæ verba non quadrant nisi in Clericos, quos mos est eligere, & consecrare; Et statim: *E talibus erat Augustinus.* Idem glossema repetis pag. 698. col. 2. ubi in fine alterius pag. 699. ais: *Iudico Augustinum cum ad Ecclesiam Hipponensem pervenisse jam initiatum minoribus ordinibus: non verò Laicum purum & secularem.* O senex somniculose! In quibusdam provinciis antiquitus in usu erat, instante necessitate novi presbyteri eligendi, populum, coitione facta, quempiam virtutum fama probatum, per vim corripere, & statim Episcopo ordinandum offerre. S. Paulinus epist. 35. inter Augustinianas ait: *Nam ego etsi à Delphino Burdigalia baptizatus, Lampio apud Barcinonam in Hispania per vim inflammate subito plebis ordinatus sum, &c.* Augustinus epist. 125. ad Albinam scribit plebem Hipponensem vim Piniano intulisse, hospiti licet ac peregrino, ut illum sibi ordinandum offerret, ac Pinianum per quempiam sibi significasse: *Se velle populo jurare, quod si esset ordinatus invitus, ex Africa discederet.* Paulinianus S. Hieronymi frater à S. Epiphano vi apprehensus, ac ore obturato, ne reclamaret, ordinatus fuit ex epist. 60. apud Hieronymum. Hinc patet sensus verborum Possidii, cum ait: *Cum ergo tenuerunt, & ut in talibus,* hoc est, his qui invitati per vim, ac populi tumultum ad clericatum destinabantur, *Episcopo ordinandum intulerunt.* Has verò ordinationes per vim non modò Romana Ecclesia, verum etiam Majorianus Imperator in Novellâ secundâ prohibuerunt. Itaque somnias, cum dicis *in talibus*, id est, Clericis, addens aliud statim somnium, nempe Augustinum, cum Hipponem venit, fuisse *e talibus*, id est, Clericum *initiatum minoribus ordinibus.* Possidius Episcopus eo ipso laudato capite ait plebem per vim apprehendisse Augustinum: *quoniam & idem in populo securus & ignarus quid futurum esset, astabat.* Solebas autem Laicus, ut nobis dicebat, ab eis tantum Ecclesiis, quæ non haberent Episcopos, suam abstinere præsentiam. Cum ergo tenuerunt, & ut in talibus consuetum est, Episcopo ordinandum intulerunt. Igitur somnias Augustinum ante presbyteratum unum è Clericis, ac jam initiatum minoribus ordinibus. Reponis nomen Laici posse convenire Clericis ante susceptos Ordines factos, id est potestate, quia possunt transire ad Laicos, qui tales simpliciter sint, nempe sæculares. Somnias. Nusquam in vetustis Scriptoris invenies minores Clericos Laici nomine nuncupa

nuncupatos. Imò Monachos, quamvis sæculo renuntiasſent, ſi non eſſent ulli Ordini initiati, Laicos tum Synodi, tum Patres appellabant. Unus te alloquatur, de quo ſoles *cogitatione ſomniare*, Auguſtinus, qui ſcribit lib. 2. de orig. animæ cap. 1. ſe duos libros accepiſſe: *Mittente*, inquit, *mibi eos fratre noſtra Renato, homine quidam Laico, &c.* Idem verò lib. 2. Retract. cap. 56. nominat eodem duos libros, quos, ait, *mibi de Caſarea Renatus Monachus miſit.* Præterea, cùm dormiendi finem feceris, petam abs te, à quonam Epifcopo Auguſtinus ordinatus fuerit Clericus? Num à Valerio Epifcopo Hipponenſi, vel ab Antiftite Tagaſtenſi, in cujus diœceſi triennium vixerat, antequam Hipponem veniret? Utrum eligas, ſomniabis in hiſtoria Eccleſiæ Africanæ. Nam ſi à Valerio fuerat apud Hipponem Clericus ordinatus; non potuiſſet ad triennium ferè in agro Tagaſtenſi vitam agere; ſiquidem fuiſſet Hipponenſi Eccleſiæ incardinatus. Extat verò canon 37. Concilii III. Carthaginenſis: *Ut Clerici in aliena civitate non immorentur.* At ſi ab Epifcopo Tagaſtenſi ordinatus fuiſſet, haud fas erat Valerio eundem ſuæ Eccleſiæ Hipponenſi præbyterum aggregare ex canone 21. Ibid. *Ut Clericum alienum, niſi concedente ejus Epifcopo, nemo audeat vel retinere, vel promovere in Eccleſia ſibi credita.* Dices hoc Concilium celebratum A. 397. Auguſtinum verò ante ſexennium præbyterum ordinatum. Etiam ſomniabis. Nam Epigonius? piſcopus cap. 54. in eodem Concilio ait: *In multis Conciliis hoc ſtatutum eſt; nempe: ut Clericum alienum nullus ſibi præſcripſit Epifcopus præter ejus arbitrium, cujus fuerit Clericus.* Si ſomnis Valerium ſcripſiſſe ad Epifcopum Tagaſtenſem, ut ſibi Auguſtinum ſuum licet Clericum, permitteret; res tibi ſomniando peracta eſt. Ipſe tamen Auguſtinus nullum habitandi locum relinquit in epiſt. 225. ad Albinam, cui hæc de ſuis Hipponenſibus ſcribit: *Neque in hoc inviderunt Eccleſia Tagaſtenſi, qua carnalis patria mea eſt, ſed cùm illa Clericatum mihi non impoſuiſſet, quando potuerunt, habendum invaſeru.* Igitur Auguſtinus non fuit Clericus Tagaſte. Hac de re ſomnias hircocervos. Scribis pag. 689. col. 1. Verſu 11. *Iam ergo & erat Hipponem initiatus, & in ordine Clericali, inferiori tamen, conſtitutus.* Et col. 2. verſ. 39. *Venit itaque Hipponem Laicus Auguſtinus.* Dum ſomnias hominem, qui unà ſimul fuerit Laicus & Clericus, ſomnias in Eccleſia hircocervum, cùm quilibet maiores ordines ſuſcipiens, ipſo facto deſineret & eſſe & dici Laicus. Denique pag. 671. col. 2. verſ. 24. *Venit*, inquit, *Hipponem regium; venit ergo Laicus non Cærobia.* Somnias. Auguſtinus ſerm. 49. de diver. exponens cauſam, cur Tagaſte Hipponem veniſſet, ait: *Veni ad iſtam civitatem propter videndum amicum, quem putabam me lucrari poſſe Deo, ut nobiſcum eſſet in Monafterio.* Erat igitur Auguſtinus Monachus in Monafterio Tagaſtenſi, cùm Hipponem venit. Erat tamen Laicus, quo nomine nuncupabantur Monachi Ordinibus Eccleſiaſticis non initiati, uti S. Doctor

Renatum vocavit. Hæc dudum nostri scriptores prænotarunt, quorum libros si vigilans evolvisset, non ea de Augustino paradoxa somniasset.

S O M N I U M XXVIII.

IN eisdem verbis aliud nescio quid somnias, cujus ne tu quidem idoneus interpret esse possis : *Quod si unus*, inquis, *adhuc annus superat, satis etiam videntur esse tres presbyterii, & Episcopatus quinque.* Cui bono anni isti quinque Episcopatus ? Appellafne quinque annos, quibus velis Augustinum cum Valerio Coepiscopo sedisse ? At ante duodecim versus dixerat *saltem esse tres* ; cur tam citò in quinque mutantur ? Num intelligis tres cum Valerio, ac binos, quibus solus Ecclesiam administravit ? Nec Pythius Apollo, nec Sybillæ adeo obscurè, ut somniando facis, oracula emiserunt. Illud somnium in Breviario Romano novennium in nova te iterum somnia impellit. Nam ponis *quinque* Episcopatus, *tres* antea annos presbyterii, ac *unum*, *exitum itineribus, preparationibus, &c.* Ex quibus novem anni constantur, quos Breviarium assignat Clericali S. Augustini ante Episcopatum, quem eo anno obtinuit, id est, *quadragesimo sexto.* Laboras ergo in novennio expiscando, quod ex anno exito, tribus Presbyterii, ac quinque cum collega Valerio compingis, ubique tamen, ut jam ostendi, somniando.

ibid.

M A C E D O.

UT ut sit hæc similitudo supputandi Breviarii Romani & Possidonii, narrando annos, nihil turbat numerum annorum vite Augustini scil. 76. penè confictos, id est, ante quadrimestre inchoatum Novembri.

S O M N I U M XXIX.

HÆc Breviarii Romani, ac Possidii dissimilitudo uni tibi fingitur, quæ tamen tanta tibi somnia immisit, quæ modò, velis, nolies, excutiam. Augustinus A. 388. Tagastem reversus est, ac in paternis agris *fermè triennio* vixit ex Possidio ejus discipulo cap. 3. Incunte anno 391. ordinatur presbyter à Valerio Episcopo, à quo *parvum tempus vel usque ad Pascha* petiit, ut ad delatum munus laudabilius exercendum sese prepararet, ex epist. 148. Fit Episcopus A. 395. teste S. Prospero Augustini synchrono & amico, cujus verba ad Somnium 23. recitavi ; & quidem mense Decembri, quod colligitur ex hom. 25. inter L. quam anniversaria die suæ ordinationis, uti & superiore ad populum habuit ; ibi enim ait : *Natalis Domini imminet.* Mlum. A. 392. f. 10. presbyterum patet ex actis publicè cum Fortunato

Mani

Manichæo, quæ tomo 6. inchoantur : *Quinto Kal. Septemb. Arcadio 11. & Rufino V. C. Coss. habita disputatio adversus Fortunatum Manichæorum presbyterum in urbe Hipponensium regionum, &c.* quam disputationem tempore presbyterii testatur se habuisse Augustinus lib. 1. Retract. cap. 16. Possidius cap. 30. scribit : *Vixit annos 76.* In Clericatu autem vel Episcopatu annos *fermè 40.* Nam cùm ordinatus fuerit Presbyter ineunte anno 391. & obierit A. 430. die 28. Augusti, habemus annos 39. ac menses circiter septem; & rectè Possidius dixit *fermè quadraginta*, quòd deerant aliquot menses ad annum quadragesimum complendum. Breviarium verò ait : *Vixit annos septuaginta sex, in Episcopatu ad triginta sex.* Auctores Lectionum Breviarii, quòd sciebant ex Prospero Augustinum creatum Episcopum A. 395. mortuum verò A. 430. cùm de mense ordinationis eisdem non constaret, partem primi, ac partem postremi anni Episcopatus rotundo numero designarunt, quod sæpè ab historicis fit, qui mensium rationem plerumque non habent, uti Chronologi solent. Et tu quoque scribis Augustinum vixisse annos 76. *penè confectos*, idest ante quadrimestre inchoatum *Novembris.* Vocas quadrimestre spatium temporis, quod tamen à die obitus 28. Augusti ad diem Natalem Augustini decimum tertium Novembris, non est quadrimestre, sed tantum bimestre, ac dierum undeviginti. Verùm quia dies quatuor Augusti, ac quindecim Novembris supra duos menses medios in illo spatio includuntur, quadrimestre appellasti, quamvis perperam ac barbarè id expresseris : *ante quadrimestre inchoatum Novembris*, cùm scribere debuisses : *terminandum mense Novembri*, hoc enim mense non inchoabatur postremum illud quadrimestre, sed die 25. Augusti. Sed cùm ubique somnies, in Grammatica quoque dormitas. Hoc tamen omisso, jam vides nullam dissimilitudinem in numero annorum inter Possidium ac Breviarium reperiri, sed a. nos Episcopatus quos ille cum annis Clericatus conjunctè ponit, illud separatim designate, annis tamen Clericatus nullo planè numero indicatis; Episcopatus verò annis utroque termino incluso numeratis, nempe ab A. 395. ad A. 430.

M A C E D O.

Perita enim rationes ab anno 388. quo anno Augustinus est baptizatus usque ad annum 431. invenies annos quadraginta tres, qui si addas tres post triginta, qui est annus baptismi, efficiunt quadraginta sex. Sume triginta, qui supersunt à nativitate, colliges septuaginta sex, quæ est justa summa annorum vite Augustini, & demum re-*lis* ad initium natalis ipsius, qui fuit annus 355.

G Ratulor tibi de annis quadraginta tribus Augustini ; siquidem jam tandem tam benè antea soporatus , incipis vigilare. Nam cùm in eadem pagina dixisses ab A. 388. ad 431. numerari *quadraginta sex annos* , uti notavi ad Sonarium 17. & postea somniasse *annos novem Clericatus Augustini* in Breviario Romano , ac *tres* , dein *quinque Episcopatus* cum Valerio , *annum exitum itineribus* , *præparationibus* , ac plura alia portentosa somnia ; jam à nescio quo perito artis calculatoris monitus , ab A. 388. ad A. 431. annos tantùm *quadraginta tres* supputasti. Quid si tuo Marte tam rectè calculos subduxisti , etiam atque etiam rursus gratulor , quòd in eadem prorsus pagella citò citius tantos in Arithmetica progressus feceris. Sunt tamen duo , quorum te admonitum velim. Primum ne adeo pueriliter ac veluti in digitis numeros supputes. Nam cùm dicis : *Invenies annos quadraginta tres* , quibus si addas *tres post triginta qui est annus baptismi* , efficiunt *quadraginta sex*. Sume *triginta qui supersunt à nativitate* , colliges *septuaginta sex*. Vix pueri ita rationes putarent ; nam si ponas *annos 43* & addas *tres post triginta* , idem est ac dicere ; *tres supra triginta* ; qui numeri additi efficiunt *septuaginta sex* ; non autem *quadraginta sex*. Verùm ex tribus ac *triginta* , tu *tres prius sumis* , ut habeas *numerus quadraginta sex*. Ejicito prorsus è mente huncce 46. annorum numerum , qui tibi sanè climactericus fuit , ac periodum ita restitue : *Invenies annos 43. quibus si addas tres post triginta* , qui est *annus baptismi* , efficiunt 76. *qua est justa summa* , &c. Cetera expunge ; cùm sint puerilis tautologia. Verùm incipis iterum dominitare , cùm ex illa supputatione colligis annum Natalem Augustini 355. Nam Rivius ait Augustinum baptizatum anno 388. ætatis suæ 33. completo , unde annum Natalem ponit 354. nec tu de illo anno 33. num completo , an incompleto , ne quidem dubitasti , sed pro incompleto , seu decurrente cura dubium illum supposuisti. At falsum est anno 388. baptismum Augustini contigisse , cùm anno 387. deputandus sit ex superius demonstratis ad somnium 9. 10. & 18. & proximè rursus ostendam.

Ibid.

M A C E D O.

I Ta natus est anno 355. baptizatus anno 388. mortuus anno 431. Iquòd si qui negare audeat oportet ne evertat totam rationem chronologicam Augustini , quam ipsemet inivit , & restatam reliquit : quemadmodum hactenus demonstravimus.

S O M N I U M X X X I .

NON Augustinus, sed Gabriel Pennotus hanc rationem Chronologicam iniit, scribens lib. 1. cit. cap. 4. de Augustino. *Mea sententia est B. Augustinum A. Christi 431. die 28. Augusti obiisse, quia anno Christi 388. erat Roma, illo anno baptizatus, quo anno incidit obitus Maximi Tyranni in mense Augusto, ut ille facitur lib. 3. con. lit. Pet. cap. 25. & baptizatus est in annis triginta tribus, & vixit Ann. 76. unde oportet illius obitum in Ann. 431. non in 430. referre. Quo supposito, si B. Augustinus Ann. Christi 431. die 28. Augusti obiit, necesse erit illius diem natalem in Ann. 355. Idib. Novemb. incidisse, &c.* Itaque tuam illam Chronologiam non Augustinus, sed Pennotus iniit, & somniculosis testamento reliquit. Porro quid tu hactenus demonstraveris, nemo non intelligit, videlicet pura puta somnia, eaque portentosa quæ vel tibi si quandoque vigiles, horrorem, vel certè stuporem incutiant. Augustini chronologia tibi prorsus incognita, ex ejusdem libris elicitur, eamque paucis exhibeo. Augustinus Tagaste in Africa natus est anno 354. Idibus Novembris Constantio Augusto VII. & Constantio Cæsare III. Coss. Idem verò testatur se annum undevicesimum agentem, lecto Ciceronis Hortensio, spreto divitiarum cupiditate, ad solam sapientiam magno impetu anhelasse. Verba adduxi ad Somnium 3. Kalendis Jannariis A. 373. annum undevicesimum agebat ante dies 49. inchoatum. Lib. 4. Confess. cap. 16. testatur se *annos natum ferme viginti* Categorias Aristotelis, ac disciplinas Geometricas, Musicas, Arithmeticas, proprio Marte, sine magistro didicisse. Habes annum 374. Initio lib. 4. Confess. ait: *Per idem tempus annorum novem ad undevicesimum ætatis meæ, usque ad duodevicesimum, seducebamur, & seducebamur falsi, atque fallentes in variis cupiditatibus, &c.* Annus 28. labeatur Augustino A. Christi 382. Rursus lib. 5. caput tertium ita inchoat: *Proloquar in conspectu Dei mei annum illum undevicesimum ætatis meæ. Jam venerat Carthaginem quidam Manichaorum Episcopus Faustus, &c.* addit se cum eodem ibidem postea collocutum de opinionibus Manichæorum, quas Faustus ab Augustini dubiis, quæ ea in secta patiebatur, expedire non potuit. Eo verò anno diutius se cum Fausto vitam egisse cap. 7. testatur: *Cæpi, inquit, cum eo pro studio ejus agere vitam, quo ipse flagrabat in eas literas, quas tunc jam Rhetor Carthaginis adolescentes docebam, & legere cum eo, si qua ille audita desideraret, sive qua ipse tali ingenio apta existimarem.* Inferiùs autem cap. 13. ait se delectatum, cum postea Mediolani S. Ambrosii orationes audivit, *Suavitate sermonis, quamquam eruditioris, minus tamen hilarescentis, atque mulcentis, quam Faustis.* Itaque annum ætatis 29. Carthagine egit cum Fausto, nempe Christi 383. Idem lib. 6. Confess. cap. 9. scribit: *Eo ecce jam trigentariam ætatem gerebam in eodem loco.*

hesitans aviditate fruendi presentibus, fugientibus, & dissipantibus me, dum dico: Cras inveniam: ecce manifestum apparobis, & tenebo, & ecce Faustus venit, & expones omnia. Vocat jam tricenariam aetatem, quia decurrente 29. jam jam acturus erat annum tricesimum. Idem verò lib. 5. cap. 8. ita exorditur: *Egisti ergo mecum, ut mihi persuaderetur Romam pergere;* quò paulò post etiam transmisit. Num id contigerit labente Autumno A. 383. vel aperiante se mare, A. 384. in medio relinquo. Romæ periculoso morbo decubuit, à quo recreatus, Manichæis quidem se adhaerere simulabat, cùm tamen mente jam ad Academicos transisset, de omnibus dubitans, ac quidpiam certi assequi se posse desperans. Ibid. cap. 9. & 10. Scholam igitur privatam in Urbe aperuit, ubi tamen offendit discipulos cùm aliquamdiu scholam frequentassent, pactam mercedem fraudantes, ad alium præceptorem, facta coitione, transire. Interea cùm Symmachus rogatus fuisset Oratoriæ artis professorem Mediolanum mittere, contigit, ut dictione proposita, inquit cap. 13. *me probatum Præfectus tunc Symmachus mitteret.* Lib. 5. cap. 13. Symmachus urbis præfecturam administravit A. 384. ex LL. 44. de Appellat. & 4. de sent. ex periculo, datis ad eundem Præf. Urbis Richomere & Clearcho Coss. Cod. Theod. quibus Consulibus Augustinus annum 30. ætatis exegit. S. Doctor lib. 3. conlit. Petiliani cap. 25. ait: *Cùm ego Mediolanum ante Bautonem Consulem venerim eique Consuli Kalendis Januariis laudem in tanto conventu conspectuque hominum pro mea tunc Rhetorica professione recitaverim.* Bauto consul collega Arcadii Augusti, magistratum capeffivit A. 385. Augustini tricesimo primo ante dies 49. inchoato. Ex allato Augustini testimonio patet eundem A. 384. Mediolanum venisse, ac elapsis feriis vindemialibus, Rhetoricam cathedram insedisse, ac de more incunte anno, Bautoni Consuli magistratum auspicianti, panegyrim recitasse. Hæc Chronologia est ex ipsius Augustini libris deducta, ac illius annum natalem recto filo retrahit ad Idus Novembris A. 354. Nam si A. 355. natus fuisset, anno vigesimo nono exeunte, ac jam tricenariam ætatem agens, Christi 384. fuisset Rhetor Carthagine, ac Fausto convivens, ab eo dicenda discens, cùm tamen A. 384. Romæ fuisset, ubi post ægritudinem convaleuit, scholam aperuit, aliquandiu docuit, magna jam sui nominis fama per Urbem resonante, ita, ut & Symmacho innotuerit, ac probatus, Mediolanum missus fieret; ubi incumbente Autumno, publicum Rhetorem agere cœpit. Et sanè uti postea Mediolani fecit, Carthagine A. 385. ætatis suæ undetricesimo feriis vindemialibus docendi munus abdicavit, annuo stipendio expleto. Quod scimus Symmachum A. Christi 384. fuisse Præfectum Urbis, descripta Augustino Chronologia ad hunc annum veluti ad regulam certissimam dirigenda est, quam cùm Macedus non observasset, depravatam Pennoti Chronologiam somniando securus est. Denique lib. 8. Confess. cap. 7. narrat se Potitiani verbis ad Christianam

fidem , ac Catholicum dogma conversum , & tempus designans , ait : *Quoniam mules mei anni mecum effluerant , foris duodecim anni , ex quo ab undevicesimo anno ætatis meæ lecto Ciceronis Hortensio excitatus eram studio sapientia , &c.* Ab anno undevicesimo duodecim postea annis effluxis , agebat Augustinus annum ætatis trigésimum secundum , qui cùm id temporis flueret , seu adhuc decurreret , inter illos duodecim non numeratur , quos ab anno undevicesimo ad eum , quem tunc agebat , effluxos , sive præteritos ex integro , contestatur. Ille verò A. 386. annum alterum supra tricésimum agebat. Ibidem verò capite statim insequenti octavo narrat se ea voce divinitus lapsa : *tolle , lege* , plene conversum , ac de abdicanda professione Rhetorica proximis jam vindemialibus feriis cogitasse , quæ lib. 9. cap. 2. fusiùs prosequitur. Tum cap. 3. ait se rus Cassiciacum Mediolano digressum , ubi diem suum Natalem celebravit Idibus Novembris ejus A. 386. quum tertium supra tricésimum auspicaretur , qua de re plura prænotavi ad Somnium III. Hinc etiam annus baptismi S. Doctoris manifestè statuitur C C C L X X V I I. Et perfectè nec melior , nec solidior Chronologia ex ejusdem Augustini libris à quoquam colligi potest , à qua nullus nisi somniando deflectit.

M A C E D O.

Pag. 728.
col. 1.

Fateor me prius inquisisse in sententiam eorum , qui designant annum mortis Augustini 430. propter objectionem proximè mihi proponendam. Sed maturè re considerata , & testimoniis Augustini expensis , & collatis cum narratione Possidonii , & supputatione Breviarii , deprehendi illam sententiam , quæ placere cœperat , cum manifesta Chronologia Augustini pugnare. Itaque huic adhasi , & annum fixi , & clavum adesti , quem nemo possit refregere.

S O M N I U M XXXII.

Hinc procul me repentè protipiam ; ne , dum somnias , huncce tuum clavum mihi in caput infigas. Sed mitto hæc tua tam grandia phylacteria. Scribis te sententiam priorem mutasse. Quis autem hoc miretur , cùm Augustini etiam vestem mutaveris ; siquidem in uno & altero frontispicio primi & secundi tomi tuarum Collationum , Augustini effigies ære ducta visebatur cum Augustinianorum Fratrum toga , ac cucullo ; at in hoc tuo tertio (non dico postrenum , quia brevi quartum omittes , & fortè etiam quintum , ut quatuor libros Magistri sententiarum tuorum Theologicorum voluminum numero superes) Canonicorum Regularium veste , & ut vulgò dicimus , *roquet* , induta conspicitur. Tu sanè fictori pro Augustiniana veste mutanda , aliquot

quot obolos numerasti, cum sententiam quam modò tenes priori exuta, Pennotus gratis tibi donaverit. Illi ergo adhære plus etiam quam ad scopulos conchæ adhærescunt. At dehinc clavum, quo eandem in posterorum mentibus figas, jactare; nam crassiori tantum immanium somniorum sputo illam fixisti, quam quilibet possit vel levi oris flatu reffigere. Scribis te id fecisse *maturè re considerata*. Quis præter te maturè, hoc est, seridè unquam somniavit? Vox illa *maturè* palam indicat, te nova rursus insomnia maturare. Addis te à priori sententia rebellasse *testimoniis Augustini expensis, & collatis cum narratione Possidonii, & supputatione Breviarii*, quibus iterum me in tuorum somniorum memoriam inducis, quorum non dicam confutatione, sed sola dudum me narratione delassasti. Dum Possidonij ac Breviarii testimonia Latine tantum scientibus notissima, non intelligis, ad incitas licet somniando redactus, paupertini ingenij homo apparuisti. Denique somnias primam illam sententiam *cum manifesta Chronologia Augustini pugnare*, cum Augustinianæ Chronologiæ ne minimum quidem apicem videris, ut prodigio propius videatur, te ea manifesta jactare, quorum tam profunda ignorantia labores. At oleum & operam perdo, qui velim somniantem moneæ.

Ibid.

M A C E D O.

Venio ad objectionem, qua me deterrebat à sententia & valida specie videtur. Extant literæ Theodosii Junioris missæ per Ebagnium Magistriannum ad Augustinum tractoria, cum ad Concilium Ephesum vocantis, qua perlata sunt ad Capreolum Primatem Carthaginensem anno 431. per Pascha ejus anni, qua invenerunt jam mortuum Augustinum, & ita rescripsit ad Imperatorem, Synodumque Capreolus; igitur anno superiori decesserat Augustinus, nempe anno 430. mense Augusti. Quod mihi visum erat argumentum invictum.

S O M N I U M XXXIII.

Tunc sanè vigilabas, cum illud argumentum tibi invictum videbatur. At cum literas Capreoli dubiæ fidei incusas, indubitanter dormitas. Pennotus, à quo didicisti obitum Augustini protrahere ad A. 431. Capreoli literas dissimulavit; tu verò eandem non uno somnio eludere pertentas, ut proximè exponam. Interim quid hic somnias de literis Tractoriis Theodosii Junioris? Literæ Augustorum, quibus Episcopos ad Synodos invitabant, digniori ac proprio vocabulo, honoris gratia, nuncupabantur; nempe *sacra*, aut *divales* dicebantur. Appellabo exempla literarum ejusdem Theodosii. In prima parte Synodi Ephesinæ cap. 31. legitur: *Exemplum sacra, quam religio*

religiosissimus princeps Theodosius ad Cyrillum Alexandria Episcopum misit, & cap. 32. dicitur : Θεία γράμμα : Divales literæ, quo modo aliæ ejusdem literæ appellantur alibi in gestis ejusdem Concilii. Liberatus Diaconus Carthaginienſis in Breviario cap. 5. ait : Scripsit Imperator sacram & B. Augustino Hipponiregiensi Episcopo per Ebagnin. Magistranium, ut ipse Concilio præstaret sui præsentiam. Ita vir doctus proprio vocabulo sacram epistolam appellavit, quam tu aliena voce Tractoriam nuncupasti. Ceterum literæ quibus Primates provinciales Episcopos ad Synodum vocabant, Tractoria vulgò dicebantur. Ita eas appellat Augustinus lib. 1. post collat. cap. 24. epist. 217. In psal. 36. & non semel in Codice Africano. Cum Imperator sacram pro habenda Synodo mittebat, Præfetti Prætorio, cum id in mandatis habebant, Tractorias Episcopis dabant, quarum beneficio publica evectione utebantur. Constantinus in literis ad Ablavium Præf. Pr. pro convocanda Synodo Arelatensi datis, ait : Singulis Episcopis singulas Tractorias tribuas. Quod earum beneficio sine privato impendio, Episcopi terrarum tractus emetiebantur, Tractoria nuncupata sunt; ac inde etiam nuncupata literæ Primatum ad Synodos evocantium Episcopos; quamvis hi evectione publica non uterentur. Verum cur non liceat tibi nomen unius epistolæ commutare, qui potuisti vestem Augustino mutare, itémque annos ejusdem nativitatis, baptismi, ac mortis susdeque variare, retrahere, protrahere, ac clavo etiam figere, quem nemo possis reffigere?

M A C E D O.

Ibid.

Verum cum rem seriò examinasset, & vidisset vacillare fidem eorum qui hanc Epistolam producebant, & de anno, quo data esset, ambigere, eaque mihi suspecta esset, quòd esset contraria alii epistola ejusdem Theodosii inserta actis Concilii, capsi dubitare de fide prima illius epistola.

S O M N I U M XXXIV.

Non seriò, sed seriò, cum jam te somnus invasisset, rem examinasti. Verumne, an fictum sit exemplar epistolæ Theodosii ad Augustinum, quod apud quosdam recentes Scriptores legitur, nihil tua somnia juvat. Vis argumenti, quod eludere conaris, sita est in responso Capreoli, qui circa Pascha A. 431. rescripsit Theodosio Augustinum non amplius fuisse superstitem. Verba ejusdem exhibebo ad Somnium 38. Idem etiam in epistola ad Synodum Ephesinam scribit : Literas Imperatoris in diebus Pascha ad nos perlatas esse, quando jam inde usque ad universalem Synodum vix duorum mensium spatium

supererat. Liberatus Diaconus cap. 5. Breviarii ex Archivis Carthaginiensis Ecclesiæ, cujus Diaconus vixit, ipsum literarum Theodosii perlatorem nominat Ebagnium Magistrinum. At tu somniando dubitas num Theodosius ad Augustinum scripserit? Testatur Capreolus se aperuisse ac legisse literas Imperatoris ad Augustinum; Liberatus virum designat qui eandem Principis literas Carthaginem detulit, & dubitas an Theodosius ad Augustinum literas miserit; & non somnias?

S O M N I U M XXXV.

Aliud insuper somnias, cum dicis priorem illam Theodosii epistolam tibi *inspectam esse, quod esset contraria alii epistola ejusdem Theodosii inserta Actis Concilii.* Erras primum, quia in priori epistola Augustinus ad Synodum invitatur; in altera vero quædam ab Imperatore schismaticorum literis decepto, adversus S. Cyrillum decernuntur. Sunt igitur disparatæ epistolæ, non, uti somnias, contrariæ. Erras iterum dum dicis epistolam posteriorem esse insertam Actis Concilii. Somnias. Inserta est Actis Conciliabuli, quod Joannes Antiochenus cum suis Syriacis Episcopis apud Ephesum contra S. Cyrillum conflavit. Cum tamen Epistola Capreoli in qua S. Augustinus circa Pascha A. 431. non fuisse inter vivos dicitur, inserta sit actioni primæ sanctæ Synodi. Addis *vacillare fidem eorum qui hanc epistolam producebant, & de anno, quo data esset, ambigere.* Quicquid dixeris de exemplari nuper producto ejus epistolæ, nihil ad causam dices. Cum certum sit ex literis Capreoli, ac historia Liberati Diaconi, Theodosium scripserisse ad Augustinum, easque literas circa Pascha A. 431. in Africam delatas, illum invenisse jam demortuum. Sanctus Gregorius VII. eximie doctrinæ ac eruditionis Pontifex, in decretali epistola ad Ottonem Constantiensem cap. 4. ait: *Huic etiam Augustino, ut liber Liberati testatur, Theodosius Imperator per sacram suam mandavit, ut se Ephesino Concilio presenset; sed bene, tam egregius Doctor ante mundo subtrahens est, quam ad illum invitatoria Romani principis epistola pervenisset.* Hæc ille in Apologetico Synodi Romanæ. Itaque aut falsus fuit Capreolus, mentitus Liberatus, ac denique Gregorius Papa deceptus, dum S. Augustinum ante Pascha A. 431. mortuum dixerunt; aut tu somniasti putans eundem id temporis superstitem fuisse.

Ibid.

M A C E D O.

Causas aperio. Prima est, quia illa posterior esse dicitur, quam alia data ad Cyrillum, & alios Episcopos Orientales XII. Kal. Novembris, cum dari prius debuisset ad Augustinum, qui in alieno imperio,

& quasi alio Orbe vivebat, cuiusque major ratio habenda erat, propter doctrinam & auctoritatem, quam summam obtinebat.

SOMNIUM XXXVI.

Theodosius, ut ipse ait cap. 32. primæ par. ejus Synodi, ad omnes omnino Deo dilectos Episcopos Metropolitanos literas scripsit. Cum verò fortè à Cyrillo, accepisset Augustinum peragenda Synodo necessarium esse, ad eundem quoque privatum licet Episcopum, sacram destinavit. At tu quo literæ ad Orientales datæ, prius scriptæ videantur, somnias unum ante mensem easdem scriptas; narras enim illas datas *XIII. Kal. Novembris*, cum reapse legantur: *Data Constantinopoli XIII. Kal. Decembris, consulatu DD. NN. semper Augustorum Theodosii quidem XIII. Valentiniiani verò III.* Cum somnum excusseris, *Novembri expuncto, Decembrem reponas.*

M A C E D O.

Ibid.
col. 2.

Secunda, quia in responsione Capreoli, vox est inepta, cum dicat ad Synodum: Domini & Filii nostri Imperatoris Theodosii, qua conjunctio Domini & Filii dissona est; nec appellatio Filii Capreolo congruebat Carthaginensi Episcopo, cum vix eo tempore Romano Pontifici conveniret. Nimirum sibi arrogaret Capreolus, si eo nomine Imperatorem Orientis afficeret.

SOMNIUM XXXVII.

Non est inepta vox Capreoli, nec conjunctio Domini & Filii dissona; sed tu inepta ac dissona somnias. Ohe: jam satis obdormivisti; depelle jam somnum; oculos perfrica, ac lege in tomo 2. opetum S. Augustini plures titulos, seu inscriptiones epistolarum ejusdem Partis: *Domino dilectissimo & desideratissimo filio Palatino*, epist. 208. *Domino dilectissimo Romulo filio*, epist. 211. Idem Domino ac Filio inscribit epistolas 70. 123. 124. 129. 158. 160. 210. 212. Imò etiam ad feminas scribens, vocem utrumque jungit: *Domina religiosissima filia Eclicia*: Epist. 199. 132. & 143. Tune ille unus homo es, quem delectat de Augustino & meminisse, & loqui, & cogitare, inò & pro consuetudine somnuare? Hac sanè vice de Augustino nec meministi, nec cogitasti, & non modò de eodem, sed etiam in eodem pro consuetudine somniasti. In Novella secunda Theodosii ad Valentinianum, quibus imperantibus Augustinus ac Capreolus vixerunt, legimus: *Domine sacratissime Fili Auguste*. In epistola 6. Vigiliù Papæ ad Auxanium: *Christianissimi Domini Filii nostri Imperatoris*. Et inter ejusdem

E, Vigiliù

Vigilii epistolas prostant literæ Pontiani Episcopi privati in Africa cum in scriptione : *Clementissimo , atque piissimo filio Iustiniانو Imperatori Pontianus Episcopus in Domino salutem.* Sanctus Ambrosius in orat. de obitu Valentiniani : *Sed ad vestram , inquit , sancta Filia , consolationem revertat.* Et iterum : *In vobis est , Filia , ut fratrem vobis jam nemo possit auferre.* Erant illæ Valentiniani senioris filia , ac junioris & Gratiani Augustorum sorores.

M A C E D O .

Tertia , quia hec epistola pugnat cum illa alia indubitata ejusdem Imperatoris ad Celestinum Papam , Rufum Vicarium per Illyricum , & Augustinum & reliquos , qua missa fuit post inchoatum , imò & penè confectum Ephesinum Concilium , idest mense Julio A. 431. uno ante obitum Augustini mense , quod argumento est , nondum innotuisse Theodosio , neque Orientalibus mortem Augustini. Qui ergo potuit per Pascha ejusdem anni , quo sunt ei reddita literæ Capreoli per Ebagnium missa , de Augustini obitu , que vulgaris opinio est , rescire ? Non ergo decesserat Anno illo priore 430. Augustinus.

S O M N I U M . XXXVIII.

Magnus es somniator. Extat in actis Conciliabuli apud Ephesum epistola Theodosii cum epigraphe : *Celestino , Rufo , Augustino , Alexandro , &c.* data mense Julio A. 431. Hanc vocas *indubitatam* ; illam verò Capreoli , quæ inserta est , actioni primæ sanctæ Synodi Ephesinæ mihi , inquis suspecta , ac capi de fide illius dubitare. Imò viri docti dubitant de illo nomine *Augustino* quod in illo titulo legitur ; nam in quibusdam Græcis exemplatibus habetur : *Konstantino Augustiano* ; atque ita scribitur in novissima editione Labbeana tom. 3. Concil. pag. 722. ubi non Augustinus , sed *Augustianus* legitur. Ferrandus Diaconus Carthaginienſis S. Fulgentii amicus , idemque scriptor insignis in epistola ad Pelagium & Anatolium laudat literas : *Beata memoria Capreoli Clementissimo Principi Theodosio scribentis* : Et postea ait : *Et in alia epistola ad Ephesinum Concilium per Bassulam directâ Diaconum* ; ubi utriusque Capreoli epistolæ fragmenta recitat : Liberatus itidem Diaconus Carthaginienſis non solum earundem literarum meminit , verum etiam hominem nominat à quo perlatæ sunt , scribens cap. 5. Breviarium Causæ Nestorianorum & Eutychianorum : *Qui Ebagnius veniens Carthaginem magnam , audivit à Capreolo ipsius vrbis Antistite , beatum Augustinum ex hoc mundo migrasse ad Dominum , accepisseque ab eo ad Imperatorem literis loquentibus de obitu B. Augustini , Constantinopolim , nudè venerat , rediit.* Meminit statim etiam epistolæ ejusdem

ejusdem Capreoli ad Synodum Ephesinam. Itaque Theodosius Imperator adveniente Ebagnio, ex literis Capreoli ante Julium mensem A. 431. intellexit S. Augustinum obiisse. In Ephesina etiam Synodo universi Patres ibi. degentes, in prima actione habita die 22. Junii, dum in literis Capreoli legeretur: *Primum enim Domini & Filii nostri religiosissimi Theodosii Imperatoris litera ad manus nostras pervenerunt, ejusmodi erant, qua beata memoria fratris & Coepiscopi nostri Augustini praesentiam peculiari ratione efflagitabant. Verum cum ea litera illum jam sum è vivis excessisse comperissent, &c.* Tu verò dicis mense Julio A. 431. nondum innotuisse Theodosio neque Orientalibus mortem Augustini. Profectò si Orientales Episcopi, quemadmodum tu oculos somniando claudis, aures obturassent, Augustini mortem, dum à Primicerio Notariorum legebantur literæ illæ Capreoli, non intellexissent. Cum verò Ebagnius Constantinopolim rediit, nonne Theodosius Imperator obitus Augustini certior factus fuit? Equidem quis te somniasse neget, qui epistolam Capreoli *suspeltam* dicas, quam gestis Synodalibus Patres Ephesini inseruerunt, quam Ferrandus ac Liberatus Carthaginiensis Ecclesiæ, quam Capreolus administraverat, Diaconi ex ejusdem Archivis laudarunt, cum uterque etiam proximo ab Augustini obitu sæculo floruerit. Qui autem, inquis, fieri potuit, ut Augustinus in epigraphæ epistolæ à Theodosio scriptæ mense Julio A. 431. nominaretur, si illè ante annum è vita migrasset? Jam tibi responsum est, dubiam & variam esse ejus nominis lectionem. At quòd nusquam Augustiani Episcopi nomen in vetustis ejus sæculi monumentis apparet, dicendus est errasse scriptor literarum Theodosii, secutus formulam inscriptionis anno superiori designatæ, cum nondum Augustini obitus Constantinopoli innotuisset. Et planè somnias, dum ne scriptor illius epistolæ Augustini obitum apud Constantinopolim credatur ignorasse, fingis Capreolum Carthaginiensem Primatem falsum de Augustini morte nuntium ad Theodosium remisisse.

M A C E D O.

Q *Varia, quia vix credibile est, tandem latuisse obitum illius solis, ut intra decursum anni solaris in occulto esset, cum ejus lux sole clarior foret, qui si deficeret, statim nox in Ecclesiam incubuisset. Sanè vivebat illo anno 430. exeunte, & ineunte, imò adulto A. 431. donec ad mensem Augustum pervenit.*

S O M N I U M XXXIX.

M *Ultò loquentia valès, cum etiam somniando tam bellè rhetoriceris. Augustinus sol erat Ecclesiæ Latinæ, Cyrillus.*

Græcæ. Neutrius libri in alterius translationis idioma versi erant ; fama tamen in suo uterque Orbe supra alterum splendebat : *Solémque suum sua sydera norunt.* Ille ergo Occidentalibus, iste Orientalibus notior. Hinc Augustini, qui in Occidentali imperio vivebat obitus, non tam citò Græcis, ac Theodosio Imperatori innotuit, cùm præsertim Primates, qui Principis aures occupabant, parum de Augustino curarent, imò vix nomine tenus notum haberent. Quousque tamen dices : *Sanè vivebat illo anno 430. exente, &c.* sanè haud sana mente somniabis.

Ibid.

M A C E D O.

U Num obstat, quòd litera Capreoli sunt idonea, non apocrypha; nec supposita ; ha autem perspicuè tradunt decessum Augustini. Respondeo me nolle improbare literas Capreoli, sed rem in eis consentam. Puto Capreolum ita existimasse, nec temerè, quia cùm inandisset irruptionem Barbarorum in eam partem Africa, & propter arctissimam Hispaniæ Regis obsidionem incerti nuncii essent, & Augustinus inclusus teneretur, & jam forsasse agrotaret, è conjecturis sibi persuasisse mortuum esse, ac de eo monuisse Imperatorem. Non igitur de re certior factus, sed conjecturis ductus, aut minùs veris nuncius credulus obitum Augustini affirmavit.

S O M N I U M X L.

I Adò lapide, manum retrahis, & occultas. Dicit te nolle improbare literas Capreoli. At superiùs conjunctionem dissonam Domini & Filii vellicabas, ut non tantùm rem contentam, sed ipsas planè literas suspectas faceres. Dubitabas de literis Theodosii ad Augustinum, quòd posteriùs quàm ad Orientales, datæ dicebantur. Jam impetum somniandi remittis, ac obitum tantùm Augustini in illa epistola assertum inficiatis. Capreolus qui id temporis vivebat, qui Carthagine urbe proxima Numidiæ, ubi Augustinus erat Episcopus, sedebat, falsos de Augustini morte nuntios accepit, qui omnium Ecclesiarum Africæ curam gerebat, ac omnium inibi Episcoporum ordinationes probabat, is, inquam minùs veris nuntiis credulus obitum Augustini affirmavit. At tu nuntianti tibi Pennoto Augustinum obiisse anno 431. cum plausu credis, affirmas, & magna voce inclamas. Nonne, ô bone, dormitas, & somnia narras ? Num vigilans oculos in Chronicon S. Prosperi quandoque coniecisti ? Scribit : *Theodosio XIII. & Valentiniano III. Augustinus Episcopus per omnia excellentissimus moritur V. Kal. Septembris libris Iuliani inter impetum obsidentium Vandalorum in ipso dierum suorum fine respondens,*

*& gloriose in defensione Christiana gratia perseverans. Et statim: Basso & Antiocho: Congregata apud Ephesum plus CC. Synodo Sacerdotum, Nestorius, &c. damnatur. Consulatus Theodosii XIII. & Valentiniiani III. est character—infallibilis anni vulgaris Epochæ 430. insequens consulatus Bassi & Antiochi signat in fastis annum 431. Si tanto verborum Prosperi tonitru non excitaris, non jam somno, sed mortali planè lethargo opprimeris. Is est Prosper Augustini, ejusque doctrinæ cultor eximius, ac post illius obitum defensor acerrimus, cui etiam Augustinus libros de prædestinatione Sanctorum, ac de dono perseverantiæ nuncupavit. Ille quidem annos tantum mortis Romanorum principum, non mensem, non diem obitus designavit. A. 391. *Valentinianus laqueo apud Viennam periit*; A. 395. *Theodosius Imp. Mediolani moritur*; A. 408. *Arcadius Imp. Constantinopoli moritur*. A. 423. *Honorius moritur, &c.* At Augustini sui obitum narrans, annum, mensem, ac diem denique in literas misit. Imò etiam exposuit eundem, cum postremo morbo correptus fuit, apologeticos libros contra Julianum adornasse. Consulatus XIII. Theodosii, & tertius Valentiniiani Augustorum est planè clavus trabalis, quo S. Prosper obitum Augustini sui fixit in Anno Christiano 430. die 28. Augusti, quem certè clavum nemo possit, nisi tecum somnando, resigere.*

S O M N I U M XLI.

Scribis Capreolum falsò putasse Augustinum è vita migrasse, cum: propter arctissimam Hipponis Regis obsidionem incerti nuntii essent, & Augustinus inclusus teneretur, *& jam fortasse agrotaret.* Extat sermo CXI. de Temp. quem, uti eruditè Batonius observavit, S. Augustinus ad Hipponenses jam à Vandalis obsidione cinctos, recitavit, in quo ait: *At cum oculos nostros dira calamitas & obsidionis percusseris, & nunc tempore mortalitatis affligat, &c.* Hic vero scitò inscribitur habitus *feria quinta post Dominicam passionis*; nempe die decimo ante Pascha. At tu pro arbitrio eundem id temporis agrotasse commentaris, cum Capreolus scribens per festa Paschalia, quod agrotare illum intellexerat, mortuum affirmavit. Num dicès è pulpito improvisa febre correptum, in lectum se recepisse? Auctor est Possidius, qui cum Augustino à Vandalis inclusus fuerat, S. Doctorem tertio illius obsidionis mense decubuisse febribus; cap. 29. Si adulto Aprili agrotare cepit, obsidio inchoata fuerat mense Januario. Næ tu attem militarem calles, qui saviente hyeme munitissimam urbem, quæ nec decimo quarto obsidionis mense expugnari potuit, teste eodem Possidio, militari corona cingis? Bonifacius Comes vir bellostrenuus, urbem cum numerofo præsidio propugnabat. Nullosne hic nuntios furtim, præsertim quæ hostili classe non adeo arctè custodià.

mare clauderetur, Carthaginem emittere poterat, ut Proconsuli Africæ obsessæ urbis statum subinde significaret, ac Augustini etiam valetudinem sive prosperam sive adversam exponeret? Cavetis, ne dum mense Aprili Augustinum ægotantem, ac exeunte Augusto A. 431. mortuum fingis, hæc tua somnia crudeliora censeantur, quippe qui diutino quinque mensium morbo senem sanctissimum excrucias. Augustinus lib. 8. Confess. cap. 5. rectè dicebat: *Nemo est, qui dormire semper velit.* At tu vis etiam semper somniate.

P. 719.
col. 1.

M A C E D O.

Quoquomodo res se habeat, certè Augustinus ante Augustum Anni 431. superstes fuit, & ita sibi persuasit Imperator, cum ad Celestinum, Rufum, Augustinum Iulio mense anni 431. literas de statu Concilii dedit. Tam verò mihi perspectum, & exploratum est in hunc annum ejus obitum incidisse, ut id & demonstrasse me putem & demonstraturum credam.

S O M N I U M XLII.

Res eo certè modo se habuit, quo Patres id temporis viventes contigisse testantur. Capreolus, ac Prosper S. Augustini amici ac Synchroni affirmarunt eundem A. 431. superstitem non fuisse. Profectò aut illi mentiti sunt, aut tu somniasti, & etiamnum somnias. Liberatus ac Ferrandus ambo Diaconi Carthaginenses scribunt Capreolum literas ad Theodosium misisse, quibus obitum Augustini Imperatori significabat. Num hæc literæ apud Gyarum, vel Cycladas hære, aut earundem perlator Ebagnius naufragium passus est, ut mense Julio Theodosius obitum Augustini ignoraverit, cum Bessula alias Capreoli literas ante 22. Junii Ephesum feliciter detulerit? Hæc vel similiâ tibi somnianda sunt, ut Theodosius dici possit Julio mense Augustini mortem ignorasse. Errorem scriptoris epistolæ perperam Imperatori affricas, uti dixi ad Somnium 38. Cum verò dicis tibi *perspectum & exploratum esse* in A. 431. Augustini obitum incidisse, in Andabatarum turmis militas; illi enim, more tuo, oculis clausis, depugnabant. Mirum sanè, quòd cum te sopor aggreditur, *conditque natantia lumina somnus*, perspectum & exploratum post annos mille ducentos ac quadraginta novem id habere possis, quod Capreolus ac Prosper eo ipso anno, quo illud ipsum contigit, superstites ignorarunt. Jactas te & id demonstrasse & demonstraturum? Scito te & id somniasse, & iterum somniaturum.

M A C E D O.

Ibid.

UNica adhuc uti volo ratione. Ita. *Itinerarium Augustini proxime adductum est omnino certum & constans : sed illud in alium annum nisi in hunc quadrare non potest , ergo huic anno obitus Augustini est assignandus.*

S O M N I U M XLIII.

VAh ! qualem novam syllogizandi formulam somnias ! Cùm puer Logicales summulas in scholis discerem , dicebat præceptor majus ac minus extremum propositionum cum medio termino jungi in præmissis ; at medium terminum non poni in conclusione , sed tantùm majus & minus extremum simul composita eandem conclusionem efficere. At tu ponis in conclusione *obitum Augustini* tanquam alterum extremorum , cùm tamen *obitum Augustini* in neutra antea præmissa nominaveris ; & hunc patalogismum , quamvis vix hoc nomine uti aulam , *rationem demonstrativam* appellas. Rectius dixisses : *Itinerarium Augustini Mediolano Romam Ann. 388. mense Aprili , atque Augustini trigesimo tertio decurrente , est omnino certum & constans , sed illud Itinerarium non potest mittere annum obitus Augustini ætatis 76. ferè completum , nisi in annum 431. ergo hic annus obitus Augustini est certus & constans.* Est argumentum per analogiam ad tertiam figuram , cùm in tuo illo syllogismo *Itinerarium* in utraque præmissa sit subjectum. Interim tuam illam majorem præmissam , prout à te positam , distinguo : *Itinerarium , &c.* est omnino certum & constans , prout expressum ab Augustino iter habente , concedo ; prout expressum à te somniantem , nego ; nihil enim nisi puta somnia , ac aniles nugas adduxisti , ex quarum centonibus Augustini Itinerarium somnians confarcinates. Minor tua propositio erat : *Sed illud , nempe Itinerarium , in alium annum nisi in hunc quadrare non potest.* Hæc non modò falsa , verùm etiam ridicula propositio est. Nam itinerarium Augustini non quadrat , te auctore , nisi in annum 388. quo Mediolano Romam se contulit. At itinerarium quod quadrat in annum 431. est quod contingit iter , quod Augustinus momento fecit ex viventibus ad mortuos. Itinerarium abs te adductum signat annum 388. quo etiam Monica , ac nepos Adeodatus , alique Mediolano Romam , sive ad Ostia Tiberina profecti sunt. At ex illo Itinerario non fit , ut Monica , & Adeodatus , & reliqui comites anno 431. decesserint. Videtis igitur quæ portenta somnias , & quò in hoc tuo Itinerario præcepta corrumpas.

M A C E D O.

Propositio patet, quia Pascha huius anni 431. in eam diem incidit, qua totam iueneris rationem recto filo ab initio ad finem evoluta serie dierum in textu Augustini proposita deducit, quemadmodum superius ostendimus. Atqui solus hic annus huiusmodi Pascha habuit, igitur solus hic capax est ejus veritatis obitus Augustini.

S O M N I U M XLIV.

NEc ipse Artemidorus, qui justo volumine sompia interpretari conatus est, isthac quæmodò somnias, intelligeret. Augustini iter Mediolano ad Ostia Tiberina contigit anno 388. uti somnias, quo anno Pascha peractum est à die 9. Aprilis. Quod hic igitur nominas Pascha anni 431. quod contigit die XIII. Kal. Maii? Quid Augustini obitus habet cum Paschate anni quadringentesimi trigesimal primi? Dicis: *Quemadmodum superius ostendimus.* Quid de Paschate anni 431. superius ostendisti, qui semel tantum pag. 718. col. 1. versu 24. dixisti epistolam Theodosii perlatam ad Capricolum Primatem Carthaginensem anno 431. per Pascha ejus anni, quod tamen in dubium vocasti? Putabam errasse Typographum, ac legendum: quia Pascha anni 388. in eam diem incidit, &c. id enim superius ostenderas, assignando à die Paschatis duodecim dies itineris usque Ostiam, quinque incolumitatis, & novem ægritudinis Monicæ. At somnii tui verba Typographum procul ab errore esse demonstrant; nam statim addis: *Atqui solus HIC annus huiusmodi Pascha habuit, igitur solus HIC capax est ejus veritatis OBITVS Augustini.* Sine involueris, palam, clarissimè loqueris de anno 431. Vide ergo quæ somnias. In prima propositione describis ea, quæ ostendisti contigisse Ann. 388. In altera, quam minorem Dialectici vocant, uno saltu transis ad A. 431. ac demonstrationis tuæ tibias ac cervicem frangis.

M A C E D O.

Liquet ipso meridie clarius. Nam Pascha anni 430. incidit in diem 25. Aprilis, quæ die Mediolani esse non potuit Augustinus, cum esset ad Ostia Tiberina cum matre ac sociis post 17. dies à discessu Mediolano pridie quam Monica decubivisset ex febribus, uti constat ex proximo Itinerario. Igitur adynaton prorsus est ponere EO ANNO 430. obitum Augustini.

SOMNIUM XLV.

DUm meridiem nominasti, jam te putabam vigilare. Verum animadverto te etiam meridiari. *Pascha*, inquis, *anni 430. incidit in diem 25. Aprilis.* Somnias. Nam *Pascha A. 430. incidit in diem 30. Martii, Cyclo Solis XIX. Lunæ XIII. lit. E. Addis: quâ die Mediolani esse non potuit Augustinus, cum esset ad Ostia Tiberina cum matre & sociis, &c. Altius rhonchissas.* Anno 430. Augustinus erat Hipponē in Africa à Vandalis obsessus. Mater quidem erat Ostiæ, sed in sepulcro, ante alterum supra quadragesimum annum demortua. Equidem & hic volebam in Typographum culpam conferre, qui ediderit *Pascha anni 430. cum tu scripsisses (quantum dormienti tribuo!) Pascha anni 387. nam Pascha hujus anni contigit die 25. Aprilis, uti dicis, qua die superius ad Somnium 8. & 9. narraveras fuisse Augustinum cum matre apud Ostiam.* At error totus tuus est, in te solo hæret omnis, nihil illius Amanuensis aut Typographus participant. Nam concludis. *Igitur adynaton prorsus est ponere EO anno OBITVM Augustini.* Loqueris ergo de anno 430. quo obiit Augustinus; ac de eo anno loqueris, quem in antecedenti propositione tui enthymematis appellaveras. Dum enim dicis *EO ANNO*, pronomen *EO* est relativum, ac connotat annum, de quo proxime sermonem feceras, videlicet 430. quo anno dicis *Pascha fuisse die 25. Aprilis,* cum tamen die 30. Martii reapse contigerit, ut ex Cyclis ostendi.

M A C E D O.

Ibid.
col. 2.

Igitur adynaton prorsus est ponere eo anno obitum Augustini, quem sibi jure vendicet annus 431. cujus *Pascha fuit 9. Aprilis die accommodato ad faciendum iter, quin & ad omnem illam seriem dierum via, commorationis, incolumitatis, ægritudinis, mortis Monica evolvendam.*

SOMNIUM XLVI.

Heres in eodem luto somnifero ac soporifero. *Pascha anni 431. non fuit 9. Aprilis, ut somnias, sed die 19. ejus mensis Cyclo Solis XX. Lunæ XIV. lit. D. Porro si ea die ejus anni in hac ipsa pagina dixisti Augustinum fuisse fortasse egrotantem, ac Hipponi regio ab obsidentibus Vandalis castra circumdata; ægritudinis tempus putabis accommodatum ad conficiendum iter, & quidem viis omnibus à Barbarorum copiis infessis? Ceterum mirus homo es in somniando; siquidem observo te aliud somniare, & aliud somniando loqui; cum ceteri somniantes, quando contigit eisdem verba emittere, ea dicunt, quodum in somniis phantasmata ipsis obijciuntur. Video te somniare*

de annis baptisui S. Augustini, ac velle illum contigisse non anno 387. sed 388. id expriment tum characteres Paschales, quos adponis, tum historiola *commorationis* apud Ostiam, *temporis accomodati ad faciendum iter, agritudinis ac mortis Monica*. Hæc intus imaginatis, quæ sanè contigere anno 387. vel 388. At ea dicis contigisse non anno 430. sed 431. & clamas: *Igitur adynaton est ponere eo anno 430. obitum Augustini, cum dicere debuisses: Igitur adynaton est ponere eo anno 387. baptismum Augustini, quem sibi jure vendicet Annus 388. cujus Pascha fuit 9. Aprilis die accomodato, &c.* Si tibi somniare libeat, hoc planè modo somniato. Quoddè verò te somniare tam bellè doceam, nullam mercedem abs te exigo, unam hanc gratiam reposco, ut, cum contra Augustinianos scribis, more tuo dormites, & somnies.

Ibid.

M A C E D O:

AC ne nemo dubites de Paschali tempore, scias Lector, cum à me illud diligensissimè inquisitum, & certissimè exploratum, & feliciter repertum, & evidenter demonstratum esset, voluisse me consulere virum totius Philosophia & Matheseos doctissimam, Illustrissimum Equitem Rinaldium Anconitanum, à quo oraculum (cetera sunt illius responsa) accepi, & lucem auctoritatis, luci veritatis adjunxi.

S O M N I U M XLVII.

TU quidem, uti libet, uti lubet, somniato. At quæso à te, ne ridicula somnia, quibus tum frequenter, immodò assiduè deciperis, Viro oculatissimo ac vigilantissimo affrices, qui eadem suo suffragio firmaverit. Peream, si vir totius Philosophia & Matheseos doctissimus tibi unquam dixit Pascha anni 430. incidisse in diem 25. Aprilis 3. & anno 431. Pascha fuisse 9. Aprilis. Rem scio. Eques Rinaldinus Paschales characteres anni 387. & 388. tibi indicavit, ex quibus annum postea obitus Augustini expiscari cogitabas. Tu verò acceptas in vigilia species, quoddè novæ & insolitæ vix memoriæ adhærebant, per somnium satis ridiculè turbasti, ac Paschales characteres annis controversis de baptismo Augustini assignatos, annis itidem controversis de obitu ejusdem affixisti. Qui error, ac palmaris hallucinatio non Typographi negligentia, sed tuæ tantum somnolentiæ deputanda est, uti proximè ex tuismet verbis demonstravi. Itaque hoc somnium totum tuum est, in cujus partem nec Mathematicus Rinaldinus venire possit, immodò nec Typographus Gadorinus velit.

M A C E D O.

Ibia

Hoc ultimum à die Paschatis sumptum argumentum est omnino, me auctore, invictum, remque demonstrat.

S O M N I U M XLVIII.

Hoc argumentum à Paschate quod ex Pennoto, ut notavi ad Somnium 7. & 8. exscripsisti, non modò non est invictum, sed te toto campo victum, susque deque jactatum ostendit. Rem certè demonstrat, nempe te immania monstra somniasse. Nam quid aliud quàm somnia fingit, qui dicit Augustinum anno 388. die 8. Aprilis baptizatum, insequenti statim die solemni Paschatis Neophytum albatum contra leges ab Ecclesia recens baptizatis impositas, Mediolano Romam profectum fuisse? Hoc sæpiùs tibi in faciem illido, ut repetitis ictibus, jam tandem exciteris, ac videas, quàm non dicam plumbeum ac vitreum, sed planè aërium, imò nullum sit argumentum, quod *invictum* somniando jactasti. Et quidem intus in animo somniabas Augustini baptismum, atque iter Mediolano Romam non potuisse contingere A. 387. quia eo anno Pascha fuit die 25. Aprilis; quamvis exteriori voce eum characterem A. 430. assignasti, testatur Paschale tempus à te *diligentissimè inquisitum*, licèt in Pennoti volumine illud inveneris, & *certissimè exploratum*, & *feliciter repertum* (hanc tantam felicitatem eidem Pennoto acceptam referas, à quo illam ore aperto, inter somnum sorbuisi) & *evidenter demonstratum esse*. Dic, quæso, in quibus Cyclis Pascha anni 387. die 25. Aprilis invenisti? Quam Octaëteridem, vel Enneadecaëteridem consuluisi, ut Neopenias Martij subductis calculis explorares, ac diem Paschatis V I I. Kal. Maii anno 387. feliciter invenires? Tunc putas anno 387. Pascha in Romana Ecclesia die 25. celebratum? Ante S. Leonis Magni Pontificatum nunquam Pascha diem 23. Aprilis excessit. S. Leo Magnus in epist. 64. ad Marcianum Augustum reprehendens Theophilum Alexandrinum, qui in suo Cyclo, quem ab anno 380. per annos centum digesserat, Pascha anni 455. fixisset in die 24. Aprilis, ait: *Sed in anno qui eris septuagesimus sextus (in Cyclo Theophili) Pascha dies invenietur adscriptus, quem à Passione Domini nullius exempli, nullius constitutionis admittis auctoritas. Nam diem V I I. Kal. Maiarum ab eo cognoscimus praefinitum, qui anni limitem antiquitus constitutum excedit. Et cum dixisset quandoque celebratum Pascha nono, & decimo Kal. Maii, addit: An octavum autem Kal. Maiarum Paschalem observantiam perducere, nimis insolens, & aperta transgressio est.*

Itaque testatur Leo in Romana Ecclesia Pascha non posse excedere diem 23. Aprilis. Tunc ergo, somnuculose, feliciter inveniisti Pascha A. 387. celebratum VII. Kal. Maii, hoc est, 25. Aprilis, cum Leo Pontifex tam proximus eidem anno, & cui schedæ omnes decessorum in Archivis patebant, testetur rem esse nullius exempli, insolentem, & apertam iragressionem? Hæres stupidus, hujus Leonis rigitū expectatus, ac territus. Synodus Palæstina auctoritate Victoris Papæ, imperante Septimio Severo, Cæsareæ coacta, terminos Paschales constituerat, cujus Synodi fragmentum Beda recitat, & concludit: *Constitutum ergo est in illa Synodo ut ab XI. Kal. Aprilis, usque in XI. Kal. Maii Pascha debent observari, & nec antea, nec postea cui-cumque constitutum limitem transgredi sit facultas.* Hinc scribit Paschasius Lilybitanus Episcopus ad S. Leonem Magnum, A. 417. Zosimo Romano Pontifice, erratum in die Paschatis: *Tunc enim, inquit, cum declinaretur ne decimo Kal. Maii dies Pascha teneretur, celebratum octavo die Kal. Aprilis, id est pro embolismo communis est annus tentus, & error gravissimus ortus.* Ex hoc rursus inferitur A. 387. non fuisse celebratum Pascha in Romana Ecclesia die 25. Aprilis, aliàs non cavissent post annos triginta idem festum peragere die 22. Aprilis, cum plurimi exemplum A. 387. adducere potuissent. Itaque Zosimus, ne celebraretur Pascha die 22. Aprilis, die extra limitem Synodi Cæsariensis, iussit peragi die 23. Martii. At Leo Magnus interpretatus Pascha passionis, non Resurrectionis à Palæstinis, Victore Pontifice præeunte, statutum, duos dies limitis Cæsariensi addi posse decrevit, ut limes ad IX. Kal. Maii die 23. Aprilis figeretur, in laudata epistola 64. qui in sequenti ad Eudoxiam Augustam ait de Theophilo statuente Pascha die 14. Aprilis: *A totius antiquitatis exemplo, & ab omni auctoritate Patrum discordat.* Addit verò ab aliis eo anno 455. die XIV. Maiarum Pascha notatum. Orientales Theophili Cyclum observabant, quem annorum 437. vocat Ricciolus tom. 1. Chronol. lib. 1. cap. 26. aitque constatum ex Lunaribus Cyclis 23. Solaribus 15. & præterea annis 17. Sed errat; nam S. Cyrillus ejusdem nepos scribit de Theophilo avunculo in prologo Cycli annorum 95. *Quadringentorum octodecim annorum Circulam Paschalem instituit.* Itaque Cyclus Theophili inchoatus ab A. 380. continebat Cyclos Lunares XXII. Solares XIV. & annos viginti sex. Apud Latinos celebrior Cyclus erat annorum 84. quo Ecclesiam Romanam, Leone Pontifice, usam existimo. Prosper in integro Chronico, quod edidit Labbeus tom. 1. Bibl. Mss. ad consulatum Fausti & Galli, Imperatore Diocletiano, vulgaris Epochæ 298. ait: *Finis Cycli tertii, quarisque principium; & rursus ad consulatum Antonii & Syagthi A. 382. Finis Cycli quarti, & exordium quinti.* Est Cyclus annorum 84. per Tessaradecaeteridem sexies multiplicatam. Paschasius S. Leonis ad Synodum Calchedonensem legatus, in laudata epistola scribit:

*Nam supputatio Romana, qua Cyclo concluditur, cuius ipse de quo agitur, est annus sexagesimus tertius, qui cepit à consulatu Antonii & Syagris. Loquitur de Paschate A. 444. qui si erat LXIII. Cycli inchoati A. 381. Antonio & Syagrio Coll. patet Romanam Ecclesiam Cyclo annorum 84. usam; ille quippe Cyclo ex Prospero erat annorum 84. Hæc verò præcipua erat utriusque Cycli diversitas, quòd Latini in eo Cyclo terminos Paschales statuebant Ægyptiis difformes. Nam Latini Neomeniam Martii à tertio Non-Martii usque in III. Non. Aprilis per dies 29. extendebant. Theophilus verò ab VIII. Id. Martii usque ad Nonas Apriles. Hinc factum est, ut Theophilus Dominicam Paschalem biduo ultra limitem Latinorum protraheret; cum enim illi limitem solemnitatis Paschalis sisterent in die 23. Aprilis, Theophilus in die 25. Aprilis Paschalis Dominicæ terminum posuit, à quo tamen termino Romana Ecclesia abhorrebat, ut ex Zosimi Paschate, ac Leonis epistolis ostensum est; quamvis postea S. Leo in Paschate anni 455. studio pacis, Ægyptiorum canones secutus, Pascha die 24. Aprilis celebrandum decreverit, ægrè id S. Prospero ferente, uti patet in fine Chronici. Itaque quoties Cyclo Lunæ VIII. Ægyptiorum cum litera C concurrebat, in celebrando Paschate à Romana Ecclesia discordabant. Hoc planè contigit A. 387. qui erat VIII. Cycli Theophili, & VI. Cycli Romani annorum 84. Et sanè, si non superesset epistola S. Ambrosii ad Episcopos per Æmiliam, dubius foret dies, quo eo anno Augustinus baptizatus fuit; verùm ex autèa planè Ambrosii epistola pag. 301. Tom. 4. discimus, quid ipse de die dubio Paschatis ejus anni decreverit. Itaque scribit ad Episcopos Æmiliæ Judæos eo anno Pascha egisse XIIII. Kal. Aprilis, id est, die 20. Martii. Hillelis Hebræi Astronomi canones id temporis sequebantur, ex cujus Enneadecaeteride A. 387. decima quarta Nisan cadebat in diem sabbati 20. Martii, cum Neomenia Tisri fuerit A. 386. die 31. Augusti feria VI. At Christiani Latini, quòd ante Æquinoctium, quòd ante 21. diem Martii non incipiebat, juxta canones, seu decreta Nicænæ Synodi, eo die Pascha non celebrarunt, sed die XIV. Kal. Maii. Id colligitur ex laterculo vetusto Paschali centum annorum, quòd terminatur ad A. 411. ibi enim legimus: *Valentino III. & Eutropio* (nempe A. 387.) *XIV. Kal. Maii.* Hunc Cyclum habes apud Bucherium pag. 259. Comment. in canonicam Victorii Aquirani, qui ad eundem Ann. 387. duo Paschata signat: *XIV. Kal. Maii*, juxta Latinos, & *VII. K. Maii*, juxta Ægyptios. At S. Ambrosius juxta Cyclum Theophili Pascha memorato A. 387. celebrandum decrevit: *Ergo, inquit, secundum Ægyptios celebraverimus Dominicam Pascha, hoc est, septimo Kal. Maii, qui est trigesimus Pharmuthi mensis.* Erat eo anno Alexandrinis Cyclo Lunæ VIII. Solis IV. lit. C. Luna XIV. cadebat in diem 23. Pharmuthi, quæ erat Dominica; ac proinde in sequentem Dominicam Pharmuthi 30.*

quæ apud Latinos erat 25. Aprilis, festum Paschale protraxerunt. Sanctus Proterius Martyr & Patriarcha Alexandrinus, in epistola ad S. Leonem Magnum tom. 3. Concil. edit. Labbeana pag. 1352. ait : *In centesimo quoque tercio anno ab imperio præfati Diocletiani, cum Luna Paschalis XIV. Pharmuthi vigesima tertia die qui est XIV. Kal. Maiarum esset die Dominico superventura, iterum septimana quesita est, & Dominicum Pascha trigesima die mensis ipsius Pharmuthi, qui est VII. Kal. Maiarum constat esse celebratum, &c.* Initium imperii Diocletiani sumitur ab anno Christiano 284. adde annos 103. eris ad A. 387. cujus Pascha in Ægypto peractum est die 25. Aprilis. Ambrosius in laudata epistola Ægyptios secutus, ait : *Quod si movet, quia quartam decimam Lunam transeuntes, qua die Dominica incidit, hoc est, quarto decimo Kal. Maii, sequenti Dominica (VII. Kal. seu die 25. Aprilis) instaurandam celebritatem suademus, auctoritas extat huiusmodi, &c.* Scripsit hanc epistolam Ambrosius Ann. 381. siquidem ibidem ait : *Sed cum ante biennium celebraverimus Pascha Dominicam undecimo Kal. Maii.* Hoc Pascha die 21. Aprilis contigerat A. 379. Cyclo Lunæ apud Ægyptios XIX. Solis XXIIII. lit. F. Unde colligitur ante sexennium cœptum discuti dubium de Paschate A. 387. Cæterum quamvis eo anno Luna XIV. Martii juxta Ambrosium Ægyptios secutum, caderet in diem Dominicam Aprilis 18. apud Romanos tamen ea die 18. Pascha celebrantes, ætas Lunæ XVI. habebatur, cum Neomeniam Martii biduo ante Ægyptios inchoarent, uti constat ex laterculis Victorii Aquitani, ubi A. 387. dies Pascharis XIV. Kal. Maii Luna XVI. signatur. Longius abs te abii, ô Macede, Nam fui in Ægypto cum Theophilo ac Proterio; Petrexi in Palæstinam ad Synodum Cæsariensem; transiisti in Galliam, ut Cyclos Prosperi ac Victorii intelligerem. Romam veni, ut Leonis de limice Paschali sententiam audirem. Denique Mediolanum petrexi, ut Ambrosii decretum de Paschate A. 387. cognoscerem. Nullos dubito, quin plura ex hoc meo Itinerario intellecturus sis, quàm ex tuo illo sonando cognoveris. Tui upius gratiâ tot Cyclos perlustravi, ut jam tandem, quæ oraculi voces sunt, nosceres te ipsum; nempe inaniter jactasse Pascha anni 387. à te diligentissimè inquisitum, & certissimè exploratum, & feliciter repertum, & evidenter demonstratum esse: quæ tua verba ad Somnium 47. prænotavi. Profectò, si non extaret illa epistola S. Ambrosii, nihil invenisses, ac nihil demonstrasses, cum ex Leonis epistola convinceretur in Romana Ecclesia nunquam per ea tempora, quorum memoria ad Leonis Pontificatum pervenerat, post diem 23. Aprilis festum Paschale instauratum. Diem Paschatis A. 387. à Ludovico ab Angelis, conterraneo tuo, didicisti, qui apud Pennotum, quem rapaci manu xpoliasti, lib. 1. Hist. Trip. cap. 4. de die baptismi S. Augustini scribit : *Mensis erat Aprilis, & die, 24. in quam illo anno Dominus 287. sabbatum Paschale incidit.*

Quid ergo jactas diem Paschalem ejus anni à te diligentissimè inquisitum, & certissimè exploratum, & feliciter repertum, & evidenter demonstratum esse. Illa dies inventa ab Augustiniano scriptore, Magistro Conimbricensi (qui idem unus est tot titulorum, quibus in librorum tuorum frontispiciis intumescis) & tibi postea oblata fuit à Pennoto, ut in eadem de anno 387. baptismo Augustini assignato, tot inter abs te tibimet datos plausus, triumphares. Quid Equitis Rinaldini fores pultas, ut oraculum de die Paschatis A. 387. accipias? Vir doctissimus æquè ac modestissimus diem designavit 25. Aprilis, ac pudori tuo consulens, & quodd intelligendo non eras (nam quos ab illo edoctus fueras, Paschales characteres confudisti) noluit ea dicere, quæ te audire decebat; videlicet: Næ tu, homo, vigilas, qui tam enixè petis, ut diem Paschatis A. 387. tibi exponam, ut ex eodem nescio quid pro tempore baptismi S. Augustini expisceris? Habes domi tuæ epistolam S. Ambrosii, qui ipsummet Augustinum baptizavit; ibi S. Doctor prolixius agit de die Paschatis A. 387. Habes aliam de eadem die Paschali S. Proterii epistolam, ex qua discas qua die mensis inciderit Luna XI V. Martii; cur in alteram Dominicam diem 25. Aprilis ea solemnitas perducta fuerit; intelliges Æram Diocletiani, quæ facilior est, quàm Metonis aut Calippi periodi, quàm vagum illud Thorh annorum Nabonassari. Vir optimus hæc subticuit, ne tam supinam ignorantiam Scriptori quinquaginta tomorum exprobrare videretur. Interim unus adhuc scrupulus tibi evellendus est, quo fit, ne baptismum S. Augustini illo tuo clavo trabali figas in hoc ipso anno 387. Nam, inquis, Pascha Ann. 430. (perperam loqueris; cum mente somnies annum 387.) incidit in diem 25. Aprilis, qua die Mediolani esse non potuit, cum esses ad Ostia Tiberina cum Matre, ac sociis post 17. dies à discessu Mediolano, pridie quàm Monica decubisset ex febribus, uti constat ex proximo Itinerario. Igitur adynaton prorsus est ponere eo anno 430. obitum Augustini quem sibi jure vendicet annus 431. cujus Pascha fuit 9. Aprilis die accomodato ad faciendum iter (loquere, quæso, uti somnias; videlicet: Igitur adynaton prorsus est ponere eo anno 387. baptismum Augustini, quem sibi jure vendicet annus 388. cujus Pascha fuit 9. Aprilis. Jam prosequere.) Quin & ad omnem seriem dierum, viæ, commorationis, incolumitatis, aegritudinis, mortis Monica evoluendam. Videtis quam comis ac gratiosus sim, qui tua etiam deformia somnia refecto. Verùm nec te juvat baptismus Augustini fixus trabali clavo in die octava Aprilis Ann. 388. siquidem uti demonstravi ad Somnium X. Augustinus per integram hebdomadem Neophytus debuit Mediolani subsistere, quodd tu quoque Itinerarii tui oblitus affirmasti, ut postea intelliges. At semel admissa mora unius hebdomadis apud Mediolanum, obitus Monicae apud Ostiam nequaquam contingere potuit

die IV. Maii ejus anni 388. Joannes Rivius lib. 1. de vita S. Augustini cap. 1. §. 35. mortem Monicæ recitat anno Christi 389. postquam, inquit, ipse tunc Augustinus ætatis annum trigessimum tertium complevisset ex lib. 9. Confess. cap. 11. ubi scribit Matrem defunctam quinquagesimo & sexto ætatis sua, trigesimo & tertio ætatis msa. Errat vir aliàs eruditus. Nam cum ipse rectè statuatur natum Augustinum Idibus Novembris A. 354. idem A. 389. mense Maio exacto anno ætatis 34. agebat quintum supra trigessimum. Thomas Herrera, Petrus Campo, Ludovicus ab Angelis, ac Aloysius Torellus scribunt Augustinum baptizatum A. 387. die 24. Aprilis; Monicam verò è vita migrasse A. 388. quarta die Maii, Augustini ætatis anno trigesimo tertio completo. Et hi quidem scribunt Augustinum cum post baptismum aliquantisper Mediolani substitisset, inde postea cum Matre ac sociis via Aurelia per Tusciam, ubi Monachorum conventus invisit, Romam, ac denique Ostiam profectum, ac ibidem Matrem IV. Nonas Maii amisisse. Petrus Campo putat Augustinum Ostiæ moratum usque ad necem Maximi Tyranni. Alii Romam reversum dicunt. Exponam paucis quid, auctore Augustino, dicendum videatur. Sanctus Doctor cum lib. 9. Confess. narrasset se Mediolani baptismum suscepisse, ac ibidem aliquantisper postea commoratum cap. 8. hæc statim ibidem ait: *Quærebamus quisnam locus nos utilis haberet, servientes tibi, pariter & morabamur in Africam.* Itaque statuit rectè in Africam pergere. Idem cap. 10. narraturus quod sibi in colloquio cum Matre apud Ostiam contigerat, ait: *Illic apud Ostia Tiberina, ubi remoti à turbis, post longi itineris laborem instaurabamus nos navigationi, &c.* Si Augustinus diutius antea Romæ commoratus fuisset, ac libros, quos ab se post baptismum Romæ scriptos testatur lib. 1. Retract. cap. 7. 8. & 9. composuisset, antequàm Ostiam descenderet, non dixisset *post longi itineris laborem*; cum Roma usque Ostiam ex Antonini Itineratio iter tantum sit M. P. XVI. vel uti modò numerant, XV III. Et quidem cap. 9. lib. cit. ait: *Cum autem Rome demoraremur, &c.* Hinc patet Rivium ac Petrum Campo falsò scripsisse Augustinum, scriptis Romæ libris laudatis, cum Matre ac sociis Ostiam se contulisse, in Africam transmissurum. Quare ex illis verbis *post longi itineris laborem*, manifestè colligimus Augustinum Mediolano profectum, rectè Ostiam via Aurelia perrexisse eodem A. 387. quo fuerat baptizatus. Porro via Aurelia per Pisas, ac inde distantes M. P. 159. Centum-Cellas, Lorium usque iter habuit; illino verò ad Ostia Tiberina deflexit, ubi cum *post longi itineris laborem*, sese navigationi instauraret, Monica mater è vita migravit. Augustiniani scriptores vulgò affirmant eo in itinere Augustinum Tusciæ monasteria invisisse. Tu cum magistro tuo Pennoto negas pag. 716. quodd nec Augustino aut sociis pecunia suppetebat ad ea diverticula faciendâ; quia, inquis, *Alipium, &*

si nobilitate præstaret, vivebat tamen de consultis & responsis Iurisperendia, sicut Augustinus de Rhetorica facultate, & quem, uti præmittis, merces jamdum pro Rhetorica magisterio defecerat. Nihil nisi somniando loqueris. Augustinus A. 386. exeunte ætate, unà cum Alipio rus Cassiciacum secesserat, ac professione Rhetoricâ abdicatâ, in Italia cum filio ac Alipio substititis usque ad necem Maximi, quæ contigit die 28. Augusti Ann. 388. Itaque qui propriis impensis biennio vitam in Italia ducere potuerunt, quosdam etiam nummos habebant, quibus parumper ab instituto itinere desisterent ad Tusciæ Monasteria per-lustranda. Si vigilans scripsisses, fortè laudasses Augustini testimonium lib. 1. de moribus Eccl. Cathol. cap. 33. *Vidi, inquit, ego diversorium Sanctorum Mediolani, non paucorum hominum, quibus unus presbyter præerat vir optimus & doctissimus. Rome etiam plura cognovi, &c.* Hæc scribebat Augustinus postquam Mediolanò Romam venerat, antequam in Africam transmitteret; qui si Tusciæ etiam monasteria invisisset, eadem sanè ibidem commemorasset. Sed ad obitum Monicæ redeamus. Hunc contigisse A. 387. antè Idus Novembris, quamvis mensis ignoretur, tradit Augustinus, dum ait se anno ætatis *trigesimo & tercio* matrem amisisse; ille verò annus Augustino exhibet die 13. Novembris A. 387. Quod si annus 33. completus intelligatur, ac dies mortis Monicæ ponatur IV. Maii A. 388. Augustinus supra annum brius à scribendo fuisset. Nam lib. 1. *Retract.* cap. 6. narrat quæ Mediolanì inter Competentes adlectus, ac proximè baptizandus scripsit; tum cap. 7. recitat quæ jam baptizatus, cum Roma esset, elucubravit. Quare cum ruri degens, sese ad baptismum præpararet, ac jam jam sacris mysteriis initiandus, libros scriberet, qui fieri potuit, ut baptizatus pleno anno, stylo parceret, nec quicquam in literas mitteret? Hinc circa Autumnum A. 387. Romam reversum eundem puto, ubi sacris literis, in quibus nondum assuetum se fuisse fatetur lib. 1. *Retract.* cap. 7. accuratam operam ponens, Monachorum conventus, eorumque vivendi instituta perlustrans, ac libros insuper scribens, majorem A. 388. partem exegit; siquidem lib. 3. con. lit. Petiliani cap. 25. testatur se ex Italica peregrinatione jam post Maximi Tyranni mortem Africam repetisse. In vetustis Martyrologiis Adonis, Bedæ, Norkeri, Rabani, Vandalberti & aliorum veterum die 4. Maii S. Monicæ nomen non legitur, ac proinde post plura sæcula ab ejusdem obitu, in sacris tabulis recitari cœpit, ut inventionis, sive translationis potius, quàm mortis dies sub initium Maii recolatur, quod sæpius in aliis Sanctis ibidem commemoratis contingere certum est. Verum si in sacris dyptichis Ostiensis Ecclesiæ ex certa traditione S. Monicæ obitus IV. Nonas Maii signatus sit, nostrorum Scripto- rum opinio præferatur, qui putant Augustinum post baptismum partim Mediolanì commorando, partim in Tusciæ monasteriis perlustrandis

annum exegisse. Quædam forsân hac de re nobis exhibebunt eruditissimi Patres Henschenius ac Papebrochius tom. 1. SS. mensis Maii, qui brevi in lucem erit mittetur.

Ibid.

M A C E D O.

E Sco deinceps annus natiuitatis, baptismi, obitus Augustini indubitanus, scilicet natus anno 355. baptizatus anno 388. mortuum anno 431.

S O M N I U M X L I X.

Homo nimis imperiosus es, qui etiam somniando leges condis, ac edicta promulgas, quibus deinceps somniculosi tantum obediant. Somnias semel annum natalem; siquidem natus est Augustinus A. 354. Idibus Novembris. Somnias iterum annum baptismi; quia baptizatus est A. 387. die 24. Aprilis, Luna XX. Martii, quo anno S. Ambrosius diem Paschæ juxta canones Ægyptiorum celebravit, cum Romæ die 17. Sabbatum sanctum eo anno peregissent. Denique somnias annum obitus, quia ad superos abiit A. 430. V. Kal. Septembris, Theodosio XIII. & Valentiniano III. Coll. teste Divo Prospero S. Augustini amico, ac defensore, qui certè vigilans annum illum designavit, quemadmodum tu tam locupleti & invicto testimonio aut ignorato, aut dissimulato, alterum annum statuendo, somniasisti.

Ibid.

M A C E D O.

Versamus stylum ad institutum doctrina, &c. Summa esto. Christum Dominum omnes Christiana visa rationes, & statum, insinuisse, prædicasse, exercuisse, &c.

L

S O M N I A S O M N I A T A.

Iam tandem ad metam tui Itinerarii pervenisti, & quidem tam benè soporatus, ut ad Somni aram votivam tabellam clavo illo tuo trabali figere possis. Extat ad somnum Orphæi hymnus perelegans ac jucundus, quem etiam recantes. Itinerarium Augustini descripsisti, ita tamen ut viam qua ille incesserit, ignoremus: quod verò tu eo in Itineratio deviaveris, nullus non videat. At modò dicis: *Versamus stylum*

stylum ad institutum. O utinam nunquam animum induxisses ab instituto divertere; neque enim tot monstrosa immanium somniorum portenta evulgasses. Hæc cum offendissem, vix oculis fidem meis habere poteram, ac subinde somniare me potius, quam lætare arbitrabar. Nam monstro simile videbatur hominem, qui in frontispicio libri inscribitur XXXXX. LIBRORUM AUTHOR, non in magnum quodpiam volumen, sed in unam & alteram tantum paginam, & utramque grandioribus characteribus impressam, tam densam somniorum farraginem congersisse. Hinc majorem illorum partem Typographi negligentia adscribendam ratus, indicem errorum, quæ in calce ejus tomi emendantur, consului, atque huncce titulum legi: *Errata enormia sic corrige, quæ sunt in ultimo Tractatu de Institutione Christi.* Tum, inquam, Itinerarium est adpositum uti coronis Tractatui de institutione Christi; eodem enim descripto, ait: *Veramus stylum ad institutum doctrine*, nam ab Incarnatione Christi ad Itinerarium Augustini, quæ quantis parasangis ab invicem distent, nemo ignorat, uno saltu transilierat. Itaque perlustro primam pagellam indicis; verto paginam. Hæreo, tam paucos inibi versus emendationum primo aspectu observans. In priori versu lego: *Pag. 725. col. 2. lin. 14. suæ: interpone ante vocem sequentem.* Nam Typographus ediderat: *Ergo die nono agridudinis suæ quinquagesimo & sexto atavis suæ.* Itaque dicit repouendum *nono agridudinis suæ, quinquagesimo, &c.* Quam severus, inquam, corrector, qui nec unius comæ, seu interpositionis defectum suis in scriptis patitur! hunc tamen defectum inter *errata enormia* recenset. In pag. 727. quodd editum fuerat 348. *decensis*, ex tribus, supputando, advertit legendum: 388. *decursum, extritus, supputandi.* Repeto editum exemplar nullum erratum noto, sed lego: 388. *decursum, extritus, &c.* Item pag. 728. ait perperam legi: *clarum, misisse, appellato*, ac repouendum, *clavum, missa, appellatio.* Adeo impressam paginam, ac lego: *clavum, missa, appellatio.* Idem in correctionibus pag. 729. observo. Quid hoc, inquam, homine faciemus, qui sua etiam somniat errata, quæ corrigat? Verum dicam, ut res est. Illas paginas iterum typis imprimendas curavit, quodd cum easdem quibusdam erroribus conspersas observasset, illis expunctis, emendatissimas secundis curis excudit. Nullumne tot tantorumque somniorum emendavit? Nullum. Non illam Paschaliæ characterum confusionem advertit? Ira planè non vidit. Quid cum pag. 727. lin. 3. col. 1. pro annis 348. repouit 388. non adnotavit errorem statim ibidem connexum, quodd ab anno 388. ad 431. annos numeravit *quadraginta sex*? Equidem errorem non expunxit. Et de defectu unius comæ est sollicitus! Quidni igitur jure dicam te somnia somniasse, dum legens ac relegens folium illud impressum, minina quædam errata emendasti; at *enormia errata*, quæ ibidem admisisti, iterum somniando comprobasti, nec obligatam

fidem implevisti. Et tamen initio clamaabas : *Danda est opera & quidem magna* ; Si eo nomine veniat longior somniorum continuatio, magnam te operam dedisse non ibo inficias , quamvis nolo te illis vocibus quantulumcumque Itinerario confarcinando laborem abs te impensum jactare. Nullus enim somniando laborat ; quamvis plerumque in somniis sibi laborare videatur. Si quæ in somniis errata perpetrantur , vigilantes postea reos facerent , quot errorum poenas lueres ! Peccasti in Grammaticam semel & iterum vitio tautologiae. Peccasti in Logicam minus extremum in syllogismo in conclusione ponendo , quod in neutra præmissa locaveras. Peccasti in Geographiam , dum dixisti : *Roma ad Ostia Tiberina*. Peccasti in Arithmetica , cum datis numeris 388. & insuper 46. collegisti summam 431. Peccasti in Astronomiam dum characteres Paschales annorum 387. & 388. assignasti annis 430. & 431. Peccasti in Chronologiam , dum annos nativitatis , baptismi , ac mortis S. Augustini triplici metachronismo pervertisti. Peccasti in Breviarium Romanum , eidem imponens Clericatum Augustini ante ejusdem baptismum. Peccasti in Principes imperii Romani , mensum in eorundem literis commutans. Peccasti in Synodos , dubitans de Epistola Capreoli , quam Ephesina Synodus actis inseruit. Peccasti in sacros ritus ac ceremonias Ecclesiæ , in Majorum leges ac statuta ; dum Augustinum hesternæ die Neophytum , à sacris statim templis abstractum , in veste candida , per Italiæ mansiones , Paschali hebdomade , tuamet manu traxisti. Peccasti in Episcopos ; dum Capreolum Primatem Carthaginiensem uti nimium credulum , ac falsis nuntiis deceptum , sugillasti. Peccasti in Amicos , ac consiliarios tuos ; dum Equitem Rinaldinum tuarum hallucinationum auctorem , sive suffragatorem produxisti. Peccasti in Augustinum ; dum conjunctionem *Domini & Filii* , qua ille adeo frequenter utitur , ineptam & dissonam appellasti. Peccasti denique in te ipsum , dum tantam somniorum congeriem , tam densam fabularum farraginem , tam vastam errorum struem in duas illas infelices ac deplorabiles Itinerarii tui pagellas addensasti , congestisti , coacervasti , quo partem hucusque qualemcumque tui nominis famam tum apud superstites , tum etiam apud posteros malo , non quidem fato , sed planè facto tuo denigrares , imminueres , immò etiam extingueres. Eruditi quique tuum hocce Itinerarium cum risu legunt , ac cachinnos subinde sustollunt. Nos soli Augustiniani ægrè ferimus te , quem dudum in oculis ac corde ferebamus , ea in literas mittere , quibus apud universos hac tua non provecta , sed planè decrepita ætate , in ridiculo habearis. Nos quidem Aborigines , & sine certo Auctore natos , uti etiam cætera , somniasisti. At scito Monachatum S. Augustini solidiori fundamento innixum esse , quam ut ab

somniaute

somnifante non dicam subtrui, sed nec tantillum loco moveri possit: Angelicus Aprosius Intimeliensis magnum bonorum Artium ac fodalitii nostri ornamentum, nuperas ad me literas misit, quibus significabat P. Magistrum Aloysium Torellum Bononiensem in præfatione Tomi VI. Sæculorum Augustinensium, quam ex Pennoto orambem recoctam, & comestam (tertium epitheton, quod in hunc tuum fatum maximè quadret, apud Catullum bis invenies epigram. 37.) reposuisti, uno oris flatu in ventos sparsisse. Gabriel Pennotus te certè melior historicus, plura contra Augustini Monachatum congesserat, quæ tamen Thomas Herrera, Petrus Campensis, Joseph Sabbatinus, ac laudatus præsertim Torellus eruditè æquè ac solidè confutaverunt. Interim alienis litigiis temet immiscens, quædam scripturis, quæ te potius Pennoti discipulum, quàm advocatum, quo ille maximè indiget, publicabunt. Nam nostrorum libris ignoratis, alienis armis indutus, inani quodam verborum impetu in certamen descendis, cum nomine saltem, cognoscendi tibi fuissent hostes, prius quàm eos ad pugnam provocares. Ceterum Augustiniani recentis adversarii tui conatus immemores, veteris tantum amicitiae memores, hocce te scripto admonendum censuerunt, ut Itinerarium Augustini non quidem ad limam, sed ad incudem revoces; & si fortè illud in meliorem formam haud potis sis redigere, cum omnes penè literæ lituram poscant, duas illas tibi somnatas pagellas mille in partes laceratas, flammis absumas. Nec illa leviora errata repones, quod in calce Operis tibi exciderunt, illud mihi reponendo: Et *in insidiaberis calcaneo meo*? Noris, *vetus poëta*, Achillem toto licèt corpore invulnerabilem, in calcaneo tamen, qua minima corporis parte ictibus patebat, percussum occubuisse. At ego eo certè consilio tela in libri tui calcaneum collimavi, ut mentis incolumitatem acciperes; siquidem videris eadem jam laborare, quum tanto fastu, ac imperio jactas *magnam operam, demonstrationes, argumenta invicta, irrefragabilia*; cum dicis omnia tibi explorata ac comperta; cum magno promissor hiatus exclamas: *Vix ista omnes controversias amputabo*; cum more Romano iterum clamas: *Animum fixi, & clavum adegì, quem nemo possit reffigere*; cum Chronologorum veluti Imperator leges de anno obitus Augustini promulgas, edicens: *Hunc deinceps, Lector, certum habero & indubitatum, idque meis calculis efficiam*: nempe cum datis annis 388. & additis 46. colligis summam annorum 431. Nonne ampullata verba, tantus in loquendo fastus, tanta in disputando securitas, te mente deceptum produunt, dum ea eructas, quæ postea, si sanæ mentis haberi velis, publica palinodia recantes? Divini vatis Eccles. 34. 1. oraculum audias:

audias : *Somnia extollunt imprudentes* ; quibus ne adcenſearis , noli laureolam ex ſomniis petere , ac in iſdem tibiſmet triumphum canere. Scribis pag. 718. col. 1. *Gratiam ei facere non poſſum vetus & ſeverus Poëta*. Cùm autem poëtæ dicantur à Satyrico : *in bicipiti ſomniaſſe Parnafſo* ; haud miramur te veterem poëtam tanta nuperrimè ſomniaſſe , cùm fabulæ vigilantium ſomnia dicantur. Morpheæ Somniorum Dux Ovidio Met. XI. 635. laudatur :

— *Non illo jufſos ſolertiùs alter
Exprimit incefſus.*

Hic ſanè te docuit , ac ea , qua plurimum poteſt , arte egit , ut in hoc tuo Itinerario cum tanto faſtu , Ciceronis verba ſunt lib. 2. de finibus , *inecfſum fingeres , quo gravior viderere*. Auctor eſt Paulanias lib. 2. in Corinthiacis Ardalum apud Trœzenios aram dedicafſe : *Ad eam aram*, inquit, *Mufis & Somno ſacra faciunt : Muſis omnium Deorum maximè amicum ſomnum ipſum cenſentes*. Quidni igitur tu *vetus & ſeverus POËTA* unà ſimul Muſas ac Somnum colas. Equidem Somno quinquaginta inſomnia totidem veluti victimas immolaſti. De Monachatu S. Auguſtini non ut hiftoricus , ſed veluti Poëta ſcripſiſti ; tot enim ſomniaſas tibi fabulas inferuiſti , ut iſdem lectis , illa laudati Ovidii carmina repoſuerim :

*Somnia vana jacent totidem quot meſſis ariſtas ,
Sylva gerit frondes , ejeſtas litus arenas.*

Scribis pag. 723. *Sanè miror cùm in domum Auguſtini vita intro, intro autem cogitatione , & animo , & affectu , imò ſemper ibi habito*. Habitas apud Auguſtinum tanquam hoſpes in diverſorio , non tanquam familiaris in penetralibus. Si in Auguſtini domum intrafſes , profeſſò eundem heſterna die baptizatum , ac recentiffimum Neophytum , in veſte candida , ipſo ſolemni die Paſchali , domo abſtractum , ad iter Romam verſus celerrimè capeſſendum , non impuliffes. Hoc ſomnium legibus auperis Neophytis ab Eccleſia impoſitis , repugnans , totius tui Itinerarii unicum fundamentum eſt , nec ulla arte abs te ſuſtineri poteſt , niſi iterum ſomnies novum ac uni tibi notum diploma Siricii Papæ , qui Auguſtinum ac ſocios Neophytos Chriſtiana lege ſolvendos cenſuerit , quò iter in Africam quàm citiffimè maturarent. Num apud Mediolanum in Auguſtini domum intraſti , quando , uti poſtea ſcripſit lib. 9. Confefſ. cap. 8. jam baptizatus cum Evodio ibidem habitabat ! *Qui habitare*, inquit, *facis unanimis in domo , conſocialiſti nobis & Evodium juvenem*

85 174

juvenem ex nostro municipio, &c. Simul eramus, simul habitabamus, placito sancto. Quarebamus quisnam locus nos utilis haberet, servientes tibi, pariter remeabamus in Africam. Augustinus prænarrato suo baptismo, scribit Evodium in contubernium Mediolani secum venisse, ac unanimes in domo habuisse placito sancto, antequàm iter in Africam susciperent. Tu verò Augustinum paucis post baptismum horis domo extrahis, ac magnis itineribus Romam & Ostiam trahis. Ne, quæso, tergiverferis; acturum edissere qui semper ibi habitas, num quando in domum Augustini apud Mediolanum intras, Evodium ac reliquos ejusdem contubernales ibidem videas, vel potius cum die Paschatis, nondum orto sole, ad Augustini domum pergis,

— obscuraque limina porta,
Qua gressum extulerat, repetis :

Virg. 2.
Æneid.

vacuam Afris hospitibus ædem spectans, lecto super postes titulo :
EST LOCANDA, discedas : Respondes pag. 632. in fine col. 1. Hanc vivendi rationem, quam Catechumenus Augustinus inchoaverat, CONTINUAVIT POST BAPTISMUM MEDIOLANI, ut scribis lib. 9. cap. 8. Simul eramus, simul habitabamus in placito sancto. Quarebamus quisnam locus nos utilis haberet servientes tibi. Pariter remeabamus in Africam. Comitemur Augustinum, & inspiciamus, quomodo vixeris in Africa. Necte parumper moras; paucis te Mediolani convenio, priusquàm illinc temet in Africam protipias. Si Augustinus illam vivendi rationem continuavit post baptismum Mediolani, jam fateris Augustinum post baptismum, aliquot saltem dies Mediolani substituisse, ac proinde somnias in Itinerario S. Doctorem Ann. 388. die 8. Aprilis Sabbato sancto Mediolani baptizatum, insequenti die nona Paschalis solemnitatis, statim Mediolano Romam versus discessisse. Tertullianus in lib. de Anima cap. 46. ait : *Homerus duas portas divisit somnis; corneam veritatis; fallacia eburneam.* Ex Odyss. lib. 19. Virgilius in fine VI. Æneid.

Sunt gemina somni porte : quarum altera fersur
Cornea, quâ veris facilis datur exitus umbris ;
Altera candenti perfusa nitens elephanto ;
Sed falsa ad cælum mittunt insomnia Manes.

Cùm dixisti Augustinum altera à suscepto baptismo die, Mediolano evolasse, haud sanè ibidem in domum Augustini intrasti ; sed

ex eburnea porta falsa ac fallacia insomnia emissa, in mentis tuæ domum intrarunt, quibus deceptus, ac delusus, tam procul ab Augustini apud Mediolanum domo, per spatia imaginaria peregrinabare, ut imposterum non modò *XXXXX. librorum Auctor*, verùm etiam *quinquaginta Somniorum Fictor* clueas. Quis te malus genius decepit, ut tam fabulosum Itinerarium somniales, ac epigraphii, quod te jam senem decrepitum manet, elogia tot ridicula insomnia publicando, corrumperes? Scribis in hoc ipso tuo libro pag. 433. col. 2. *Cum Theologia studia inchoarem Conmbrice inter Patres Iesuitas anno 1615.* Hinc anno ætatis tuæ nonagesimo, quàm octogesimo proximior videris, ut magis te deceat de vitæ tuæ itinere claudendo, quàm de Augustini Itineratio describendo cogitare. Equidem & piget & pudet me bonas aliquot horas in tuis somniis excutiendis perdidisse; quamvis, ut Senecæ verbis utar epist. 76. *Ego tamen hic aliquid & doceo. Queris quid doceam? Etiam seni esse discendum.* In indice librorum, quos S. Gelasius Papa proscripsit, legimus: *Itinerarium Petri Apostoli apocryphum.* Haud falsò sperem fore ut quicumque Itinerarii tui Somnia intellexerit, idem hoc stigmate dignum iudicet: **ITINERARIUM Augustini post baptismum Mediolano Romanæ APOCRYPHUM.**



F I N I S.